



مليين سرود

داعزت دهرافغان دی هربچی یې قهرمان دی د بلوڅو د ازبکو د بلوڅو د ازبکو د تاجکو د ترکمنو د تاجکو پامیریان، نورستانیان هم پشه یان هم ایماق، هم پشه یان لکه لمر پر شنه آسمان لکه زړه وي جاویدان وایوالله اکبر وایوالله اکبر







۸ صنف

چاپئ سال: هـ . ش ۹۹۹

کتابئ درستی کنگ

مضمون: بلوچیی زوان

نویسوکان: تعلیمیین نصابئ بلوچیئ بهرئ نویسوکین ډل.

ایدت کنوک: بلوچیئ زوانئ در سیین کتابانی نویسوکین ډل.

صنف: هشتم

متنئ زوان: بلوچی

دیمری دیوک: تعلیمیین نصابئ دیمری و درسیین کتابانی لیکگی مزنین ریاست.

شینگ کنوک: معارفی وزارتی عامه ین آگاهی و ارتباطی ریاست.

چاپئ سال: هجری شمسیی ۱۳۹۹

ایمیل آدرس: curriculum@moe.gov.af

درسیین کتابانی چاپ، بهر وبها کنگئ حک په افغانستانئ اسلامیین جمهوریی معارفئ وزارتا ساتتگنت. به بازارا زیتن و بها کنگش منع انت گون خلافان قانونیین سلوکی بیت.

معارفي وزيرئ پيگام

اقرا با سم ربك

پاکین خالقئ با زین حمد و ستا که اماره هستی دات و ونتن و نمشته کرتنئ مزنین نعمتی واوند کرت و بازین درود په خاتم رسول حضرت محمد مصطفی ﷺ که خداوند ﷺ ی اولی پیگام په آیی (ونتن) انت.

چوکه په درستان روش ودرا انت. هجری شمسیی ۱۳۹۷ سال به معارفی سالئ ناما نام گپتگ بوت. پمیشا به امئ و طنا به تعلیم ورود ینگئ نظامئ جتاجتاین بهران بازین بنیادیین بدل بوگی کیت: معلم، وانندگ، کتاب، مکتب، اداره و ماس و پسانی شورا افغانستانئ معارفئ شش بنیادیین بهرزانتگه بنت که به وطنئ تعلیم ورودینگئ ود ودیمرییا مزنین تاثیری دارنت. به انچین قسمت جو په کنوکین و هدی، افغانستانئ معارفئ رهدربریی مزنین خانواده تعهد کرته که به وطنئ تعلیم ورودینگئ انونیین نظامئ ود و دیمرییا بنیادیین بدل بوگی بیاریت.

شه همی روگها تعلیمیین نصابئ اصلاح ودیمریئ شه معارفئ وزارتئ سرئ کاران انت. به ای بهرا تعلیمیین نصابئ اصلاح و دیمریئ، کتابانی مزند و محتوای گهبودی و به مکتبان و مدرسه ان، سرکاری و خصوصیین بنیادان درسیین کتابانی رسینتن و بهرکرتن به معارفئ وزارتئ پروگرامانی اولسرا جاه داریت. اما باوردارن، اگه کتاب جوانین کیفیتی داشتگ مه بنت، وطنئ تعلیمیین سک و پرواکین مخسدانا به دستا آورتگه نه کنن.

په یات بوتگین مخسدانی به دستا آورتن و یک کاریین هیل زورگیین نظامی رسگا شه مچین وطنی دلسو چین معلم و مدرس و زانگ و کمالی واوندین مدیران که آیوکین نسلئ رودینوک انت، په عزتداریه لوټن که په ای درسیین کتابئ هیل داتن و آیی مزند و محتوای رسینتنا به امئ عزیزین فرزندان شه هررازئ کوشستی پدا مه کنزنت و به کاری و سرپدین نسلی تعلیم ورودینگا گون دینی وملیین ارزشتان گون ایراد گروکین فکری کوشست بکننت. هر روچ سر تعهد و ذمه واریی منگئ نوک کرتنا گون ای نیتاسبخ داتنا بناکننت که به زوتین آیوکی عزیزین و انندگ، تاثیر دارین رودینتگ بوتگین شهروند و آبات و دیما شتگین افغانستانی جو رکنوک بنت.

همی رازشه عزیز ودوستین وانندگان که وطنی باندی روچئ پرارزشین پیه و سرمایه انت لوټین که رساکا مه شموشنت و په باز ادب و احترام گون علمیین پټ و پولی شه عزیزین معلمانی سبخا په جوانی کټ بزورنت ووتی عزتمندین معلمئ زانگ و علمئ اوشگ چین بنت.

گهسرا شه وطنئ هیل دیوکین کارزانتان، تعلیم ورودینگی دانندگان و تعلیمیین نصابئ فنیین بهرئ همکاران که په ای درسیین کتابئ بریبرکرتنا شپ و روچ کوشست کرتگش قدر کرته وشه مزنین خالقئ دربارا په آوان به ای پاک وانسان جوړ کنوکین راها سوب وکامیابیه لوټین.

به یک معیاری و دیماشتگین معارفی نظامی دسترسی و آبات و دیماشتگین افغانستانی رسگئ اومیتا که سرپد، آزات و آسوده حالین شهروندانی واوند بیت.


دكتور محمد ميرويس بلخي معارفئ وزير



ديم	سرگال	اشمار
١	خداوند «ج»	١
٤	نعت	۲
٧	وطندوستي	٣
۱٠	كابل	٤
10	پنت زرتن (نکل)	0
۱۸	سوج کرتنئ ضمیر	٦
Y Y	جوړکرتگين ماه	٧
۲٧	یدی (پسوند)	٨
۳.	ماسئ وش ساتن	٩

٣٣	ولی محمد (رخشانی)	١٠
٣٧	دموكراسيي كدر	11
٤١	نه ترکتگین ماین	۱۲
٤٦	کید و آیی ډول	١٣
દ ૧	یکویی و تپاک	١٤
٥١	متل	10
00	جوانين ر ساک	١٦
٥٩	زيباين جنكي	۱۷
٦١	براسين كوم	۱۸
٦٤	چه هبر	۱۹
٦٧	شیواری	۲٠
٧١	فولكوريكين لبزانك	۲۱
٧٤	حرف	Y Y
٧٧	عطفئ حرف	۲۳
۸۳	ميرم خاتون	7 £
۸٧	جنگئ پد	۲٥
٨٩	ما امنه لوټن (شير)	۲٦
٩١	ترياك	۲۷
٩ ٤	بزانت بلد	۲۸

بسم الله الرحمن الرحيم خداوندها



- * وانندگ شه خداوند الله و اک و مزنیا گیشتر سی بنت.
- * بزاننت که عبادت وبندگی تانکا خداوند ﷺ برازیت. * شه آچیزان که خداوند ﷺ اماره امر کرته و شه آچیزان که منع کرته سی بنت.

حست:

- ١- كئ اماره ساه وجان داتگيت؟
- ۲- به كي وآك و كدرتا جهان و آيي هستي ودي بوتگيت؟
 - ٣- عبادت وبندگي په کيه برازيت؟
 - ٤ بندگ بايد شه كئ مدت بلوټيت؟



خداوند گل آیکین مزنین واک انت که ای جهانا گون مچین هستیئ پیدا کرتگیت، ډگار، ماه، روچ و آسمان به آیی واک و کدرتا ودی بوته، آ مچین جهان و هستیئ واوندانت، هرچیا زانت و شه هرچیا سی داریت.

خداوند گا انسانا ساه و جان، پکرو هوش دات و آیرا شه مچان گیشتر و برز ترین جاگهئ و اوند کرت و و تی پیغمبر حضرت محمد علیه و قرآن مجیدا په آیی راهشونیا دیم داتگیت. آباز مهربان، مچین سکیانی آسان کنوک و مچینانی خوت و روزی دیوک انت انسان به هر چونین جاگه و مقام و جاور و حالتی که انت په خداوند که گا کمک و مدتا اړانت.

خداوند هم اماره په نیکین کرداران چو: سدک وراستي، پرهیزگاري، داد و دهش، صبر، بي کبري، دلسوچي ورحم، مدت و دستگیري کرتنا امر کرته و شه گندگین کرداران چو: پسلاي هبرداتن (غیبت)، موزي، غُمار، کلپي و دروگ، موک و ملام، زورانسري و ظلم، کبر و غرور و دگه ويلين کرداران منع کرتگيت.

اما باید په خداوند علام رضا، آچیزانا که امر کرته و به آوان امئ خیرانت تسر برسینن و به آوان خو بگرن. شه آ چیزان که اماره منع کرته و په امئ تاوانا انت دوري بکنن ووتر ا بساتن.

عبادت وبندگي تانكا خداوند على برازيت كه مچاني واك و اختيارئ واوند انت. اما تانكا خداوند على الله عنه الله برن. خداوند الله عنه برن.

معلمئ تچ وتآك:

- * دیما شه سبخی بنا کرتنا شه وانندگان سکین دیوکین جستانا که به سبخی برزگا لکتگ بوتگنت سوجه کنت.
 - * سبخا په برزين تواري وانيت، نوكين گالاني مانا به تختئ ديما لكيت.
 - * شه دو وانندگا لوټيت که سبخا په رون په برزين تواري بواننت.
 - * په وانندگاني اوشكتنا لهتين جمله گشيت.
 - * گشتگين جملهاني باروا لهتين جسته كنت.
 - * لوټيت که سئ وانندگ په رون چيزيکه ديما شه جستان اوشکته شه بر بگشنت.



وانندگاني تچ وتاک:

- وتي كتاباني ديما چارنت، معلمئ تواراكه سبخا وانيت كوشكننت، نوكين گالاناگون مانايش شه تختئ ديما به وتي كتابچهان زورنت.
 - دو وانندگ په رون سبخا په برزين تواري وانيت.
 - چيزيكه معلم په آوان گشيت كوشكننت وبه وتي ياتا سا تنت.
 - جستاني پسوآگشنت.
- سئ وانندگ په رون چیزیکه دیما شه جستان اوشکته یکواردگه شه بر په برزین تواری گشنت.

شه وت کرتن:

عزتمندین معلم په سبخی شه وت کرتنا که بارین وانندگ جوان هیل زرتگنت آگه نه شه آوان لهتین جسته کنت، پسوانا کوشکنت، سوگه وراهشونیه کنت.

گسویین کار: ای سبخا شه کتابئ دیما به وتی کتابچهان بلکت و شه بر بکنت.



نعت

عرض كنت تهي گلام واجه محمد مصطفى به بیت پر تو صلوات و سلام واجه محمد مصطفی تهى ذات سيد البشر توى صاحبي حُسن و جمال توی واوند دا دوکرم واجه محمد مصطفی تهی خُلق عظیمی گواهیا در شان کنت قران توى تاج دار عرب و عجم واجه محمد مصطفى عجب سهراكنت تهي شرف و ثنا قصه معراج توى رونق د<mark>رين كلام و</mark>اجه محمد مصطفى توی محفل جان و سپاهم تو میر کاروان اچ تو قایم انت شرف بزم واجه محمد مصطفی توی رشد و هدایت چراگ هم توی اصل دین چه ته روشن انت نام اسلام واجه محمد مصطفی زبان عاجز منتگ چه تهی صفت و ثنا یا نبی خداوند كر تگ اعلى تهي مقام واجه محمد مصطفى عاصي و گناه گا رين اُمتي پشت و پناهئ تو دارئ پر آیان فکر و غم واجه محمد مصطفی بخت اون بلندين به بيت جزما زيارت اشكى قابل به بیت آگه پمن نظر کرم تهی واجه محمد مصطفی محشرئ ميدانا هيچ پيما غمناك نه بيت قادر به کپ انت پمن تهی چم واجه محمد مصطفی "مولانا خير محمد ندوى قادر"

مخسد

- * وانندگ سبخا بواننت و بلکنت.
 - نعت شريفي مانا بزاننت.
- * نعتا یه جذبگ و برزین تواری بوانت.

معلمئ تچ وتاك:

- * په وانندگانی پکرئ نزآورتنا، دیما شه سبخی بنا کرتنا شه وانندگان هما جستانا سوج بکنت که به ای سبخی برزگا نمشته انت.
 - * سبخا په برزين تواري بوانيت.
 - * سبخي نوكين كا لا ناكون مانايش به تختئ ديما نمشته بكنت.
 - * په وانندگاني اشکتنا مطلبي بگشيت.
 - *گشتگین مطلبی باروا شه آوان جست بکنت.
- * شه سئ وانندگا بلوټيت چيزيکه ديما شه جستان اوشکتگنت شه بر په برزين تواري بگشنت. وانندگاني تچ وتاگ:
 - + دو وانندگ په رون سبخا په برزين تواري بوانيت.
 - + وانندگ سئ بار بنت و په حضرت محمد عَلِيلَهُ شان و مزنيئ باروا هبر بدينت.
 - + شه هرباري يک وانندگي چيزيکه به وتي بارا اوشکته و زانت په برزين تواري بگشيت.
 - + سئ وانندگ په رون اي سبخئ يک يک بارا په برزين تواري بوانيت.
 - + سبخئ نوكين گالانا گون مانايش شه تختئ ديما به وتي كتابچهان بزورنت.
 - + هما جملهانا که معلم صاحب په وانندگانی اوشکتنا گشیت په شري بشکننت.
 - + اوشكتگين جملهاني باروا جستاني پسوا بگشنت.
 - + سئ وانندگ هما مطلبا که دیما شه جستان اوشکته شه بر په رون په برزین تواری بگشنت

شه وت کرتن:

عزتمندین معلم په ایشي که مالوم بکنت که وانندگ سبخا په شري هیل زرتگنت اکه نه شه آوان جست بکنت.

- شه شما كئ نعتي شه بره زانت؟
- كئ حضرت محمد عَلِيلَةُ شان و مزنيئ باروا هبرداتكه كنت؟

همي راز په وانندگاني لکتنئ مهارتئ برزبرتنا لهتين جمله په آوان بگشيت.

کسویین کار: ای سبخا به وتی کتابچهان نمشته و شه بر بکنت.



وطندوستي

مخسد

- وانندگ سبخا بواننت وبلكنت.
- شاعرئ وطن دوستيي مارگا به شئيرا بزاننت.
- گون شئيري گشگا خو بگرنت واي جذبها يرواك بكننت.

حست:

- ١. شير وردانكئ توپير چي انت؟
- ۲. شه شماگجام یکین شئیری شه برداریت؟ بگشیت.
 - ٣. بلوچيي زواني چنت شاعرئ ناما زانت.

وطن وتي نندوكاني سرا باز حك داريت كه بايد انت مچين اي حكا په برزين چمي بگندنت و آيي هستي و نعمتاني كدرا بزاننت، گندن كه وش گشين شايري به وشين شير ئ گون گالاني رد وبند كرتنا وطنا چون يات كنت و گشيت:

وطن تی هوای ندرون گون ای وشتبین بهارئ
دگه جا مثال گجا انت تی سبزگ و کشارئ
تی پلک و ریک درستین په ما سور و کیمیا انت
شه بهشتا قدر بازانت تی شورگین ډگارئ
درئ سر ډگار که سبز بیت مچین سالی چو بهارا
بلی آمزگ گجا انت که تی چلگ و لوارئ
تی بچی وړ گجا انت ته بگش مان جهانا
هر گجا بروی سپت انت تی باترین مزارئ



گون یک اکلا بجسکیت تی دشمن سر تا پادا مگندیت که پتریت کونجی اگه بشکنیت توارئ وطن امئ ننگ و نام انت بی ننگی پما شگام انت قسم انت به آپ و نانئ که بساتن میارئ وطنئ خدمت وساتن په مچان ضلور و پرض انت گجام جاهلنت که بیاریت ادا پرک براس و گهاری وطن امئ مکهین مات می سرا همی باز انت وطن امئ مکهین مات می سرا همی باز انت اگه بنت ادا برو پن گون ملاړا گبارئ نه انت ای گناهی "لعلزاد" که بگشی وطن انت مکه بکنین هزار سجده من په پاکین سرچگاری

غلام محمد « لعلزاد»

به اي شيرا شايروتي ديمحوني و فداكاريا، په وطنا روش كرته، آيرا مزن شان زانت، آيي پُلك وريك وشورگ و خرابهانا چو سور وطلا زانت و توصيفه كنت كه انچين موسم وهواي به دگه جاگهئ نه انت. وتي وطني بچانا شير و مزارئ وړا زانت كه په مړانگي وباتري وتي لوگ و وطنا ساتگنت، وطنا وتي ننگ ونام و آيي ساتنا وتي فخرو بالگ زانت. په آيي ميارئ ساتنا سوگنده وارت ووطنئ ساتن وخذمت كرتنا مچاني وظيفه زانت كه وطنئ ساتن مچاني كار انت. معلمئ تچ وتاگ:



^{*} په وانندگاني پکرئ نزآورتنا به صنفا ديما شه سبخا شه آوان هما جستانا سوج بکنت که به سبخي برزگا نمشته بوتگنت.

^{*} سبخا(وطنئ شيرا) په برزين تواري بوانيت.

^{*} سبخئ نوكين كالاناكون مانايش به تختئ ديما نمشته بكنت.

[ٔ] په وانندگاني اشکتنا په آوان مطلبي بگشيت.

^{*} اوشكتگين مطلبئ باروا شه آوان جست بكنت.

^{*} شه سئ وانندگا بلوټيت چيزيکه ديما شه جستان اوشکتگنت په رون شه برېگشنت.


وانندگاني تچ وتآك:

- + دو وانندگ په رون سبخا په برزين تواري بوانيت.
- + وانندگ سئ بار بنت و گون وت كراري اي شيرا بواننت.
- + شه هرباري يک وانندگي چيزيکه په اي شيرئ باروا زانته په دگران بگشيت.
 - + سئ وانندگ په رون اي شيرئ يک يک بارا په برزين تواري بوانيت.
 - + هما مطلبا که معلم صاحب په آوان گشیت په شري بشکننت.
 - + اوشكتگين مطلبئ باروا جستانا پسو بدينت.
- + سئ وانندگ چیزیکه دیما شه جستان اوشکتگنت په رون شه بر په برزین تواري بگشنت. شه وت کرتن:
- عزتمندین معلم په ایشي که مالوم بکنت که بارین وانندگ سبخا په شري هیل زرتگنت آگه نه شه آوان جست بکنت.
 - كئ اي شيرا شه كتابئ ديما وانيت؟
 - به اي شيرا شاعرئ دوستي ومهر گون چيا روشه بيت؟
 - په وانندگاني لکتنئ مهارتئ پرواک بوتنا په آوان لهتين جمله گشتگ بيت.

کسويين کار: اي شيرا به وتي کتابچهان نمشته و شه بربکنت.



كابل



مخسد

- وانندگ بواننت وبلکنت.
- كابلى شارئ باروا بزاننت.
- شه کابلی شاری گوستگین را جدپترا سی بنت.

جست:

- ١. امئ وطنئ بنجاه گجام شارانت؟
- ٢. شه كدى باكابلى شار افغانستانى بنجاه انت؟
 - ٣. شه شماكئ كابلى شا را ديسته؟
 - ٤. كئ كابلي شارئ باروا هبرداتگه كنت؟



کابل امئ عزیزین وطن، افغانستانئ بنجاه انت. شیر دروازه و آسمایی کوهانی ایشک و آشکا کپتگیت. کابلی رود شه تهی گوزیت، کابل کهنین شهری انت که کابول، کاپول، کاوول، کاول، کابورا و کارورای ناما هم یات بوتگیت، کابل سوداگریی چار راهی سرا کپتگیت.

کابل شاهان شیر دروازه و آسمایی کوهانی سرا برزین پسیل جتنت، تاکه آشکی دشمنئ دیما بگرنت و آبه ای شهرئ سرا واک ودی مه کنت. هجریی ۸۱ سالا مسلمان کابلی سرا هلگر کرتنت و ایشاگپتنت.

کابلی شار بازین سکی و سهوری و هلگرانی گواه انت، رندا شه تیمورییان، بابرواکاگیت و درگتی که هندوستاناگیت، بنجاهاشه کابل به آگره برت. آ به کابلی شارا یک مزنین باگی جوړکرتت که مزن نام وتوارین باگی انت. و ختیکه به هندوستان زندگیه کرت سوگه کرتت که وهدئ که مُرت آیرا به همی باگئ تها به حاکا بلنت. دگه بر یبرگون آیی سوگها، رنداشه مرکئ، آیی میتا کابل آورته و به همی باگی تها به حاکا اشتنت.

احمد شاه دُرانی درگتی که افغانستانی واکدار بوت، لوټت که وتی حکومتا، کابل بیاریت، پمیشا حکم کرت که بُرزین پسیلی شهرئ تها بنائننت. هما کاراکرتنت که ای دیوال کاراکرتنت که ای دیوال آیی زاگ تیمور شاه هجریی ۱۱۹۵ سالا،



درگیت. تیمورشاهي گور به کابلي شارئ تها به آ وهدئ عمومیین باکي کنکا انت. همي راز اميرعبدالرحمن خان هم به وتي واکداريي وهدا به کابل آت. رندا شه آيي هم اي مزن نام


وتوارین شاروطنی بنجاهئ وړا منت. کابلی شار شه بازغدیما ته انون افغانستانئ جتا جتاین کئوم و تمنانا وتییا داشتگیت که یکی شه آوان بلوچ انت.

بلوچ به بی بی مهرویی وکیلی کلات، وزیر آباد و پغمان زندگیه کننت و وتی زوانا چټ زیان کرتگنت.

کابل جوانین آپ و هوای داریت، بهاری پُل و پُلستان انت، لوارا ملایم و زمستانی سرد انت، ایدنا برپ بازگواریت.

گله، جو، جواري، پيماز، كچالو شه كابلي كشار گريي پيداواران و همي رازسيب، زردالو، آلوبالو، شفتالو، ناك و بهي شه آيي باگداريي حاصلان انت. به ديمئ وهدان، بازين باگي، به كابل ات كه شه آوان مزنين نيوگي دستا كات. همي راز كشار گريئ ډگار باز اتنت، مگه گون وهده ووختئ گوزگا، هرچنكس كه كابلى شار مزن بوت، كشار گريي ډگار و باگ و سرسبزين جاكه وهند كم بوتنت، به جاگيش نوكين آباتي، گس و ماړي جوړ بوت. انون به كابلي شارئ تها، آنكس كشار گري و باگداري نه انت. كابلى شارئ نفوسئ گيشتركي به شارا زندگيه كننت و به سود آگري، صنعت، كارگري، ماموريت، و رازرازئ دگه كاسبيان دست گټ انت، همي راز به كابلي ولايتي ولسواليان بازين مردمي زندگيه كننت كه گيشتركيش به كشارگري و باگداريي كاران مشكول انت.

بالاحصار، و شیردروازه یی کوهئ سرئ پسیل، دارالامانی ماری، باغ بالایی هوتل، چهلستونی منار، بگرام و پغمانی تاق ظفر شه تاریخیین مزن نام وتوارین جاگهان انت، همی راز پُل خشتی مزنین مسیت، شاه دوشمشیره(ع) مسیت و عیدگاهئ مسیت و دگه بازین منین مسیتی که حسابش بازین منین مسیتی که حسابش



شه هشتصدا گوزیت تا انون به کابلی شارا جوړ بوتگنت. همی راز مناراستقلال، شهرآرای بُرجئ منار، نجاتئ منار و انونین ارگ شه تاریخیین جاگهان حسابه بنت.

کابلی موزیم دیستنی و رانت، به کابلی ملیین آرشیفاکهنین کتاب که نکش و نگارانت و گون دستا نمشته بوتگنت، ساتتگه بنت. به ای شهری کئر و گوئراکار جاه بازانت.

افغانستانی مسترین پوهنتون چو کابلی پوهنتون، دُرایی پوهنتون، پُلی تخنیک، تعلیم و رودینگی پوهنتون و کشارگریئ پوهنتون که مُچین سرکاری انت، تچ و تاگه کننت و هزاران ورنا به آوان به علمئ زورگاگټ انت.گله یین و هدان غیردولتیین مکتب، کالج و پوهنتون هم جوړ بوتگنت. شه ای شارا دیم په جالا، روکپتا، برزا و رودراتا پکتگین سړک کشتگ بوتگیت. که ای راه وسړک په موټراني روگ و آیگ و سوداگري و دگه ضرورتئ وړئ چیزاني بُرتن و آورتنا بازکټوک انت، همي راز شه کابلي شارا به آیي ایشک واشکئ ولسوالیان بازین راه و سړکي کشتگ بوته که په مردمانی روگ و آیگا به شارا باز آسانی ودي کرتگیت.

کابلی بین الملیین بالی پټ شه جهانی باز موشکولین بالئ پټان انت، روچی تها صدان بالئ گراب چست و ایره بیت. به کابل بازین سرکاریین دُرا جاه هست که پهنا دیش مروچی بازین غیردولتیین دُرواجاه هم کاره کننت که شه ولایتان نادراین کس په علاجا به ادا کاینت.

به کابل بازین تلویزیون و رادیوی که گیشترش شخصی انت شینگ کاریا گټ انت، همی وړا موبایلی (تلیفونئ) چنتی شرکت ادا جوړ بوتگیت.

به کابل بازین بانکی که شخصی انت گون سرکاریین بانکان سکین چم هم چمی دارنت و سیالیه کننت.

کابلی رود که شه ای شارئ تها، شه روچ نشتنا دیمی روچ دراتا تچیت، بازکتوک انت که شه نغلو، ماهیپر، و سروبی بندان بازین برقی گپتگه بیت. چنتی سال دیما شه ای برقا بیدی کابلی شارئ روشنیا به پلچرخی، بگرامی و کابلی شارئ دگه جاگهان بازین صنعتیین کارجاهی به کاراکپت که ای کارجاه شه مروجنگانی سببا سک تاوان دیستنت و شه کاراکپتنت.

بري گډيين سالان گون پدوارگين آباتيئ كاراني بنا بوتنا كابلي شارئ آباتيي پهرا زبر دلگوش بوته و بازخرابه وډلتگين ماړي و بنگله شه سرجوړ بوتگنت و آباتيي كار انگته هم رادگ انت. کابل افغانستانی ربیدگی، اقتصادی و سیاسین بنجاه انت. جمهورین ریاست، مچین وزارت و پارلمان وعدلی بنجاهیین دپتر همی شارا انت. کابل نون پنچ ملیونئ ایشک و آشکا نندوک داریت.

معلمئ تچ وتاك:

* په نوکین سبخی تیاریی گپتناشه وانندگان هما جستانا سوج بکنت که به سبخی برزگا نمشته بوتگنت.

- * سبخا په برزين تواري بوانيت.
- * سبخئ نوكين كالا ناكون مانايش به تختئ ديما نمشته بكنت.
- * په وانندگاني گيشترين سريدكرتنا چيزيكه وت گيشتر په كابلي شارئ كدرو روي باروا زانت په وانندگان بگشيت.

وانندگاني تچ وتاك:

- دو وانندگ په رون اي سبخا په برزين تواري بوانيت.
- وانندگ سئ بار بنت و گون وت په كابلي شارئ باروا هبر بدينت.
- شه هرباري يک وانندگي چيزيکه به وتي بارا اوشکته وزانت په برزين تواري په دگران بگشيت.
 - شه هر باري يک وانندگي سبخئ يک يک بارا په برزين تواري شه کتابئ ديما بوانيت.

شه وت کرتن:

عزتمندين معلم په ايشي كه شه وت بكنت كه بارين وانندگ سبخا په شري هيل زرتگنت آگه نه شه آوان لهتين جست بكنت چو:

- كابل چونين آپ وهواي واوند انت؟
 - كابلى موزيمئ باروا چيه زانت؟
- به كي واكداريي وهدا كابل افغانستانئ بنجاه بوت؟

همي راز په وانندگاني لکتني مهارتئ پرواک کرتنا لهتين جمله په آوان گشتگ بيت.



پنت زُرتن (**نکل**)

مخسد

- ١. وانندگ بواننت وبلكنت.
- ۲. شه پنتئ آسرونتيجاسي بنت.
- ٣. شه پنتا به وتي زندگيا كټ بگرنت.

حست:

۱- پنت چياشنت؟

۲ - کئ پنتی زانت؟

۳- پنتاني اوشکتن ووانتن په اما چه پايدگي داريت؟

شنت: به غدیمئ وختان پادشاهی ات که یک زاگ وسئ جنک داشت، آیی زاگ طوطیی ساتت، یکروچی شه روچان ای زاگ دگه هندو دیارئ روگئ پکرا بوت، دیما شه سرگرگا شه وتی هرگواری جتا جتا سوج کرت که په ته چی بیارین؟

مزنين گواري گشت: په من جوانين پچ و پوش بيار.

دگه گواري گشت: په من جوانين گټيي (توخي) بيار.

سومي گواري گشت: په من زر وسهورئ جوانين دست بند بيار.

اي زاگ وتي گواراني هبرا منت و وتي طوطيا سوج کرت که په ته چي بيارين؟

طوطي گشت: په خيري بروي وبيايي.

شهزادگ پدا شه طوطیا سوج کرت که په ته چیا بیارین؟

طوطی گشت:

به هرجاگهی که آزاتین طوطیانا دیستی منی سلام و کلوا په آوان برسین و بگش، مگه دوستیی داب همی راز انت که شما آزات زندگی بکنت و من ادا به خفسئ تها کید بین؟ شهزادگ سره گیت، روت، روت و روت. جایکه لوټیته رسیت رندا شه لهتین وهدئ گوازینگا وتی گوارانی پسندئ وړئ چیزانا زینت و سونی گسا رادگه بیت، به راهئ دراجیا به گیابانی تها بازین طوطی گندیت، آیی جندئ طوطی به هوشیه کیت، وتی طوطیی کلو و سلاما په آوان رسینیت، گون پیگامئ اوشکتنا یکی شه طوطیان لرزیت و کپیت و انچو درشان کنت که مرتگیت. شهزادگ شه ای دپ دیگا خپه بیت و شیت ماستین ای کلوا میاورتینون ، سونی وتی گسا کیت همیکه رسیت و تی گوارانی سوغاتانا آوانا دنت. طوطی سوجه کنت، چون منی دوستانا دیستئ آگه نه، منی کلوا په آوان رسینتئ؟

شهزادگ پسو دنت و گشیت:

هان، من تي سلام و كلوا په آوان رسينتون، هميكه اوشكتنت يكي شه آوان لرزت و كپت و مُرت. طوطي كه اي هبرا كوشكنت ايش هم لرزيت و كپيت، شهزادگ دلا شيت كه آيي طوطي مُرت، دگه آيرا شه خفسا دره كنت و آنگو ايره دنت، هما دما طوطي شه ډگارا كوستيت و گشيت:

من شه آ طوطیان که منا آزات بوتنئ چما هیل داتنت شکریه کنین، انون من آزات بوتون، گون شهزادگا خیرواه کنت و روت.

شهزادگ شه اي دپ ديگا حيران و هبكه مانيت و مچين نكلا په وتي پسا گشيت، پسيه گشيت:

طوطياني اي مهر و دوستي مزنين جوانين پنتي په ته انت.

معلمئ تچ وتآگ:

- په نوکین سبخی تیاریي گپتنا دیما شه سبخی بنا بوتناهما جستانا شه آوان سوج بکنت که به سبخی برزگا آتگنت.



- نوکین سبخا په برزین تواری بوانیت.
- ای سبخی نوکین گالانا گون مانایش به تختی دیما نمشته بکنت.
 - په اي پنتئ باروا آوانا گيشتر پوه وسريد بكنت.
 - كسانين مطلبي په وانندگاني اوشكتنا بگشيت.
 - اوشكتگين مطلبئ باروا شه وانندگان لهتين جست بكنت.
- شه سئ وانندگان بلوټيت چيزيکه ديما شه جستان اوشکتگنت شه بر په رون په برزين تواري گشنت.

وانندگاني تچ وتاک:

- دو وانندگ په رون اي سبخا په برزين تواري بوانيت.
- وانندگ سئ باربنت وگون وت په اي پنتئ باروا هبر بدينت.
- شه هرباري يک وانندگي چيزيکه گون وتي همراکان په اي پنتئ باروا هيل زرته وزانت په دگران بگشيت.
 - شه هرباري يک وانندگي په رون سبخا شه کتابئ ديما په برزين تواري بوانيت.
 - وانندگ هما مطلبا که معلم صاحب په آوان گشیت په جوانی بشکننت.
 - اوشكتگين مطلبئ باروا جستانا پسو بدينت.
 - سئ وانندگ هما مطلبا که دیماشه جستان اوشکتگنت شه بر په برزین تواري بگشنت شه وت کرتن:
- عزتمندین معلم په ایشي که په وت مالوم بکنت که بارین وانندگ سبخا په شري هیل زرتگنت که نه شه آوان لهتین جست بکنت.
 - په ایشي که وانندگاني لکتنئ مهارت هم پرواک بیت، یک کسانین مطلبي په لکتنا بگشیت.





سوج کرتنئ ضمیر

مخسد:

- ١. وانندگ سبخا بواننت وبلكنت.
- ۲. سوج كرتنئ ضميرا درست كننت.
- ۳. به جملان سوجیین ضمیرئ کار مرز کرتنا بزاننت.

جست:

١. سوجيين ضمير چي انت؟

۲. هورين ضمير گجام انت؟

سوج کرتنی ضمیر په یک چیزی مالوماتی گرگ و زانگا کار مزره بیت چو: کئ، چی، گجا، کی، چنت، کدی، گجانگو، گجا و ای حالتانی واوندانت.

مفرد

گجام	چی	کئ	گشوكين حالت
گجامي	چی	کي	مضاف اليه
گجامیا، گجا مرا	چيا، چيارا	كى،كيارا	مفعول دومي
گجا مییا	چی چیا	كئ، كئ را	مفعولين حالت



جمع

فاعلين حالت . . عالت .

مضاف اليه كيان چيانا گجامان

مفعولی دومی . چیانا گجا مانا

مفعولی حالت . گجا مان گجا میانا

كنوك . .

همی وړا جمعی نشان دیگا (کئ و کئ)، (گجام و گجام) و(گجا و گجا) هم گشتگه بیت و ایش وت نشان دنت که مخسد شه یکی گیشتر انت چو:

کئ ترا جتگ؟

گجام مرد یا مرد ما ترا جتگ؟

ای کي لوگ انت؟

ای لوگ کي انت؟

کئ و کئ ترا جتگ؟

آگس كي وكي انت؟

كئ وكئ جنگ كرتگيت؟

گجام و گجام شو تگنت؟

گجا میا ترا دیستگ؟

چنت مردم ترا دیستگ؟

چى و چى شه ته برتگنت؟

گجا نگو و گجا نگو شتگنت؟

هورین(مشترکین) ضمیر

هورين ضمير هما انت كه په گشوك، اشكنوك و غايبا يك وړاكيت، چو:

وت، وتی من وتی کتابا آورتون، ته وتی کتابا آورتی، آوتی کتابا آورت. به هورین ضمیرا هم گشوکین حالت، اشکنوکین حالت و اضافیین حالت انت.

گشوكين حالت:

ته که وت وتی بختا سیاه کنی، شه دگری گلگ مکن.

اشكنوكين حالت:

وتراگون سيالان سيالي كرت.

اضافيين حالت:

آگه وتى دلاكينگ مدارئ هركس ترا شره گشيت.

معلمئ تچ وتآك:

- په نوکین سبخئ تیاریي گپتنا دیما شه سبخا شه آوان هما جستانا سوج بکنت که به سبخئ برزگا نمشته بوتگنت.
 - سبخا په برزين تواري بوانيت.
 - سبخئ نوكين كا لانا به تختئ ديما سيايك بكنت.
 - په وانندگاني سريد كرتنا اي باروا په آوان گيشتر مالومات بدنت.

وانندگاني تچ وتآگ:

- د و وانندگ په رون نوکين سبخا په برزين تواري بوانيت.
- وانندگ سئ بار بنت و گون وت په سوج كرتنئ ضميرئ باروا هبر بدينت.
- شه هرباري يک وانندگي چيزيکه به وتي بارا په سوج کرتنئ ضميرئ باروا اوشکته وزانت په برزين تواري بگشيت.
- سئ وانندگ شه سئ بارا په رون هرگجامي اي سبخئ يک يک بارا شه کتابئ ديما په برزين



تواري بوانيت.

شه وت کرتن:

عزتمندین معلم په ایشي که شه وت بکنت که وانندگ سبخا په شري هیل زرتگنت آگه نه شه آوان سوج بکنت.

به ضميرا گشوكين حالت گجام انت؟

کسویین کار: ای سبخا به وتی کتابچهان بلکت و شه بر بکنت.

جوړگرتگين ماه



مخسد

- وانندگ بواننت وبلكنت.
- جوړ کرتگين ماها درست کننت.
- شه جوړکرتگین ماهئ تچ و تاکان سی بنت.

- جورکرتگین ماه چیا شنت؟
 گجام مُلک جورکرتگین ماه دارنت؟
 شه جورکرتگین ماهان چی کټ گیتگه بیت؟
 - ٤. گجام وهدا ماهاني جوړکنگئ هبر بال ات؟





جورکرتگین ماه یا ماهٔک چشین دستگاهی که بُنیادم آیراجور کرته و بُرزگا دیمی داتگ که ډگار یا استا رانی ایشک و آشکا بچکریت (چار بکنت).

جوړ کرتگین ماهی پکر و خیال سرا به میلادیئ ۱۸۶۹ سالا به آسمانکی تها لیکتگ بوت و ۱۹۶۵ء سالا گشتگ بوت که ماهی یا ماهٔ کی جوړه بیت که ډگاری بُرزگ یا ایشک و آشکا چکریت. اولین جوړکُرتگین ماه یا ماهٔ کک، سپوتنیک نام داشت که ۱۹۵۷ء سالئ اکتوبرئ کا شه آوختئ شوروئ اتحادئ نیمگا بُرزگا دیم داتگ بوت و دگه سالینا یانی رنداشه سپوتنیکی دیم دیگا امریکا هم ای کارا


کرت ووتی ماهٔکا ایدگه سال یانی ۱۹۵۸ و سالئ جولای ۳ ډگاری بُرزگا دیم دات. رنداشه ای دو کینان کرارکرار دگه ملک که نون او شما رش به هشتا رسیت ماهٔک جوړ کرتنت و دورشه ډگارا دیم داتنت که آملک ایشنت:

فرانسه، جاپان، چین، بریتانیا، هند، اسرائیل، اوکراین و ایران.

شه ماهٔکان په گپ و هبرکنگ، ډگاری کانانی و دی کنگ و چمگانی گندو چار، پوجیین مخسدانی تسر رسینگ و چگو لیین کاران کټه گرنت.

بری گلهیین و هدان، ماهک په علمیین کارانی پټ وپول کنگاکار مرزه بنت. چوکه ای دستگاه ډگارئ برزگا و دور شه آیی چاره کنت و علمیین آکاری که ډگارئ دیما آزمایگی سک انت همودا سریش کاربیت.

ماهک چنت وړي انت که هر گجا مي په يک مخسدي جوړ بوتگنت و آ ايش انت:



۱_ یک وړی جوړ کرتگین ماه یا ماهک انت که په دگرانی ماهکانی گارکنگا کا رمرزه بنت و ایشا کشوکین ماه هم گشنت که شه ای وړی ماهکان تانکا امریکا و روسیه دارنت.

۲ یک وړی جوړکرتگین ماه یا ماهک انت که گون آوان استار و کهکشانانی باروا پټ و پوله بیت.

۳- زندگانیی ماهُک، شه ایشی زندگین ارگانیسمی سرا آزمایشت بیت.

٤_ گپ و گالي جوړکرتگين ماه.

۵_ میناتوریین جوړکرتگین ماه. ایش
 کسانو کین ماهُک انت که تولش هم
 کم انت که ۲۰۰ - ۵۰۰ کیلوگرام بنت.

میکروین ماه انت که تولش کمتر شه ۲۰۰ کیلوا انت و دگه ډولی که نانو نام داریت کمتر شه ۱۰ کیلوا تولی انت.

٦_ رهشونی جوړکرتگین ماه یا ماهک، گون ای ماهٔکا ډگاری دیمئ موبایل وتی هندا زاننت که گجا انت.

۷_ ودی کنوکین جوړکرتگین ماه یا ماه ک که په پوجیین کاران و چوگو لییا کار مرز دارنت.
 ۸_ ډگارزانیتی ماه ک، ای ماه ک په هوای حالت، نکشه کشی و کان و چمگانی ودی کنگا،
 کار مرز دارنت.ودگه ای وړی بازین ماه کی دگه.

ماهٔکانی چکری برزی بر یبرگون ایشی انت که په چه مکسدی کار مرزه بیت، آماهٔکی که په هوای حالت، چوگولی و دگه...مخسدان کاره دینت به جالگا، یانی ۲۰ ۳تا ۸۰۰ کیلومتر برزتر شه ډگاری دیما انت و چارورگش گون ډگارا یک وړا انت. یانی شه روچ کپتا سونی روچ در آتا

هر دوکین چاره کننت مگه شه ډگارا باز ترنده سُرنت که ترندییش به ۲۷۳۵۹ کیلومتر ساعتا رسیت ویک و نیم ساعتی تها یک وار به ډگارئ ایشک وآشکا چاره کننت.

کوتی شه ای ماهٔکان شه برزا، جالایی به ډگاری دیمئ نیامئ کشکئ سرا چاره کننت.لهتین شه ماهٔکان اشتوک انت، که ډگاری دیمئ نیامئ کشکئ سرا ۲۰۰ ۳ ۳ کیلومتر دورتر اشتاتگنت، که په گپ وگال و تلویزیونی شینگ کنگی پروگرامان، کارمرزی دارنت.

ای گلایین وهدان شه یک وړی ماهٔکان په گندو چارا(توریزما) کټ گپتگه بیت، چو که تا انون لهتین سیټ وزردار، په چنت روچئ چکرئ گوازینگا اودنا یانی برزگاشتگنت ورنداشه چنت وهدا یدا ډگا را برگشتگنت.

دگه ډولی ماهٔک انت که باز دورشه ډگارا رونت و دگه ماه و استارانی سرا نندنت یا که کمی دور ترا ایشک و آشکش چاره ورنت،علمیین کارانا تسره رسیننت و شه آسرو نتیجهی اما را سهیه کننت.

شه ای وړی ماهٔکان چنتی سال انت که امریکا و روسیه به ماهئ دیماکټه گرنت، ای ماهٔک اودنا کُرم سندنت، نیمونگ زورنت و پدا ډگاراکارنت یاکه بُنیادما ماهی تها برنت و آ اودنا خاصین آزمایشت تسره رسیننت و پدا ډگاراکاینت که ای کارا امریکاکرتگیت.

بری گلپین و هدان، هندی ماهٔ کی که نامی "چاندریانا" ات و ماهی سراپټ و پوله کرت، رپوټ دات که او دنا یخکی چمگی انت. ماهی رنداشه آیی "ناسا" یانی آمریکا ئ پټ و پول کنگی اداره جار کرت که:

اما فوټو و نواری شه ماهی یک نیمگی دستادارن که شه آیی دیما مالومه بیت که اودنا یخک بیخی باز انت.

آگه ماهی تها اکسیجنی هبرا یکسونگ کرتنت، بنیادم او دنا په وت پټ وپول کنگی هډه یی جوړه کننت و شه اودنا په دگه استاراني گند و چاراکټ گرنت.

معلمئ تچ وتآگ:

* په سبخئ تياريئ گپتنا ديما شه سبخئ بنا بوتنا شه آوان هما جستانا سوج بکنت که به سبخئ برزگا نمشته بوتگنت.

- * سبخا په برزين تواري بوانيت.
- * سبخئ نوكين كالاناكون مانايش به تختئ ديما نمشته بكنت.
- * په وانندگاني سرید کرتنا په جوړکرتگین ماهئ بارواپه آوان مالومات بدنت. وانندگاني تچ وتاگ:
 - دو وانندگ په رون اي سبخا په برزين تواري بوانيت.
- وانندگ سئ بار بنت و گون وت په جوړ کرتگين ماهُوکئ باروا هبر بدينت.
- شه هرباري يک وانندگي چيزيکه به وتي بارا په ماهُوکي باروا اوشکته وزانت په برزين تواري ىگشىت.
 - سئ وانندگ په رون اي سبخئ يک يک بارا په برزين تواري بوانيت.

شه وت كرتن:

- په سبخئ شه وت كرتنا شه وانندگان جست بكنت.
 - كئ جوړكرتكين ماهوكئ باروا هبر داتگه كنت؟
- ډگارئ ديمئ موبايل گون گجام ماهُوكان وتي هندا زاننت؟
- په وانندگاني لکتنئ مهارتئ پرواک کرتنا په آوان لهتين جمله بگشيت.





پدی (پسوند)

مخسد

- وانندگ سبخا بواننت وبلكنت.
 - یدی یا یسوندا درست کننت.
- هما حرفانا بزاننت كه يدى يا يسوندى ورا به كالانى يداكاينت.

حست:

- ١. پدي يا پسوند چياگشنت؟
- ٢. چنت گال بگشت که "گ" پدی یا پسوند بدارنت؟
- ۳. چنت مردین زاکئ ناما بگشت که "داد" پدی یا پسوند بدارنت؟

پدى يا پسوند، ونډى راگشنت كه گالى پداكيت، چو:

- ١. "ار":گشتار، كردار، مُردار.
- ۲. "گ":ورگ، وسپگ، روگ، کنگ.
 - ۳. "ن": رون، کپن، کوشتن.
- ٤. "نا": پسانا، گوكانا، ماهانا، جاهانا، كلمانا، مُركانا.
 - ٥. "دان": سُرمگدان، كئوشدان.
 - ٦. "ستان": افغانستان، هندوستان، تركمنستان.
 - ٧. "أك": دوستك، براسك، مُركك.
 - ٨. "ك": مردك، جنك، بچك، جنك.
- ۹. "ى": گنوكى، روگى، رهسرى، كوټكى، پدگى، بجنلى، پنچمى، ورگى.

- "وك": وروك، بروك، كشوك، مروك.
 - ١١. "تون": گنجاتون، شمساتون، روزاتون.
- ١١. "بخش": كريم بخش، شاه بخش، لعل بخش.
 - ۱۳. "داد": شهداد، کریمداد، جانداد.
- ١٤. "بي بي": شاه بي بي، ماه بي بي، جان بي بي، ناز بي بي.
 - ١٥. "پرى": گلپرى، مهپرى، نازپرى، شاپرى.

معلمئ تچ وتاك:

- * په وانندگاني پکرئ نزآورتنا به صنفا، ديما شه سبخئ بنا کرتنا شه آوان هما سکين ديوکين جستانا سوج بکنت که به سبخئ برزگا نمشته بوتگنت.
 - * سبخا په برزين تواري بوانيت.
 - * سبخئ نوكين كالاناكون مانايش به تختئ ديما نمشته بكنت.
 - * په وانندگاني اوشکتنا کسانين مطلبي بگشيت.
 - * اوشكتگين مطلبئ باروا شه وانندگان سوج بكنت.
- * شه سئ وانندگان بلوټيت، چيزيكه ديما شه جستان اوشكتگنت، په رون شه بر په برزين تواري ىگشنت.

وانندگاني تچ وتآگ:

- + دو وانندگ په رون سبخا په برزين تواري بوانيت.
- + وانندگ سئ باربنت و گون وت په اي سبخي باروا هبر بدينت.
- + شه هرباري يک وانندگي چيزيکه به وتي بارا اوشکته وزانت په وتي همراکان بگشيت.
 - + سئ وانندگ سبخئ يك يك بارا په رون په برزين تواري شه كتابئ ديما بوانيت.
 - + هما مطلبا كه معلم صاحب په آوان گشيت په شري بشكننت.
 - + اوشكتگين مطلبئ باروا جستاني جوابا بگشنت.
 - + سئ وانندگ چيزيكه ديما شه جستان اشكته په رون شه بر په برزين تواري بگشيت.

شه وت كرتن:

عزتمندین معلم په ایشي که شه وت بکنت که بارین وانندگ پراستي سبخا په شري هیل زرتگنت آگه نه شه آوان جست بکنت.

- پدي يا پسوندا كئ گشتگه كنت؟
- سئ وانندگ په رون يک يک ناما گون پسوندئ بگشيت؟
- په وانندگاني لکتنئ مهارتئ پرواک کرتنا په آوان لهتين جمله بگشيت.

کسویین کار: ای سبخا به وتی کتابچهان نمشته و شه بر بکنت.

ماسئ وش ساتن

مخسد

- وانندگ سبخا بواننت وبلکنت.
 - ماسئ شان و كدرا بزاننت.
 - شه ماسع عزتدار ياسي بنت.
- په ماسئ خذمتا سرين بستگ و چاړ که اوشتاتگ بنت.

حست

- ١. كئ ماسئ كدرئ باروا هبرداتگه كنت؟
- ۲. ماس پرچی امئ سرا باز حک داریت؟
 - ٣. ماسئ كدرئ باروا چى اوشكتگت؟

به بنیادمئ زندگیا ماس برزین جاگه و مقامی واوند انت، همیکه ماسئ نام گپتگه بیت دگه آیی بازین حکانی ادا کرتن و پراستی و شه دلیین خذمت کنگئ ذمه واری که هر بچی سرا انت به هوشا کیت. هان: ماس آکس انت که په وتی بچانی ساتن، رودینتن و مزن کر تنا شپ و روچا یکی کرته و دلسندین زحمت و سکیانا به گرمی و سردیا منیته، ماسا هروپئ خذمت کرتن و ستاکرزیت، هرچنکس اولاد وتی ماسئ خذمتاکنت، وگون شه دلیین مهر و دوستیی جذبگی دست بستگ به آیی دیما بوشتیت به هما کچانا وتی ماسئ وشنودیا گیشتر دستا آورتگه کنت، هما رازیکه ماس به وته بالیت که اولادی ساتنه، رودینته و مزن کرته، باید انت اولادی هم آیی ساتن و خذمت کرتنا وتی بالگ و شان بزانت و انچین کاری مه کنت که ماسئ ناوشیی وج بیت.



بایزید بسطامنی نکل انت که گشت:

آکاریکه آییراگلهیین کار زانتون، مچین کارانی سرات وگشت:

مچین آچیزاناکه زهد، جهاد و گریبیا پټتون اودنا دیستون که شپی منی ماس آپ لوټت، شوتون که شه کوزگا آپ بیارین، تنگ (کوزگ) آپ نداشت، جوی سراشوتون و آپ آورتون، ماس و اب شتت، و شپ هم سردات، تاس آپ منی دستاات تاکه شه وابا اوستات، آپ وارت ومنا رادعاکرت.

دگه و هدی گشت: دری یک نیمگی راپاچ بل، تاتهاری اوشتاته تون که راستین پله پاچ بیلین یا چپینی که ماسئ لوټگئ خلاپ مبیت، تهارینسرا چیزی که په آیي پټتون شه دروازگا آت.

شه اي مثالان زانتگه بيت كه هماييكه ماسئ كدرا زاننت چنكس آيي احتراما داشتگ و په ماسئ وش ساتنا زحمتا منتگنت و وتي هوشا به ايشي باز سك داشتگنت كه شه دل و پراستيين ډولي آيي خذمتا بكننت، هبر و فرمانئ بزورنت، لازمنت به هروړئ جاور وحالتي وتي ماسئ كدرا بزانن و هما رازيكه برازيت يك كتره هم آيرا شه هوشا مه برن تاكه آيرا شه وت وش بساتن و حكئ ادا كرتگ بكنن.

معلمئ تچ وتآك:

^{*} په وانندگاني پکرئ نزآورتنا به صنفا ديما شه سبخا شه آوان هما جستانا سوج بکنت که به سبخئ برزگا نمشته بوتگنت.

^{*} سبخا په برزين تواري بوانيت.

^{*} سبخئ نوكين گالاناگون مانايش به تختئ ديما نمشته بكنت.

^{*} په وانندگاني اوشکتنا مطلبي بگشيت.

^{*}گشتگین مطلبئ باروا شه وانندگان سوج بکنت.

^{*} شه سئ وانندگا بلوټيت، چيزيکه ديما شه جستان اوشکتگنت په رون شه بر په برزين تواري گشنت.

وانندگاني تچ وتآگ:

- + دو وانندگ په رون سبخا په برزين تواري بوانيت.
- + وانندگ سئ بار بنت و گون وت په ماسئ كدرئ باروا هبر بدينت.
- + شه هرباري يک وانندگي چيزيکه په ماسئ باروا به وتي بارا اوشکته وزانت په برزين تواري گشت.
 - + سئ وانندگ په رون سبخئ يک يک بارا په برزين تواري بواننت.
 - + هما مطلبا که معلم صاحب په آوان گشیت په جوانی بشکننت.
 - + اوشكتگين مطلبئ باروا جستانا پسو بدينت.
 - + سئ وانندگ په رون چيزيکه ديما شه جستان اوشکتگنت شه بر په برزين تواري بگشنت.
 - شه وت كرتن:
- عزتمندین معلم په ایشي که شه وت بکنت که بارین وانندگ سبخا په شري هیل زرتگنت اکه نه شه آوان جست بکنت.
 - كئ ماسئ وش ساتنئ باروا هبر داتگه كنت؟
 - پچی ماسئ کدر باز انت؟

په وانندگاني لکتنئ مهارتئ پرواک بوتنا په آوان لهتين جمله گشتگ بيت.



ولى محمد "رخشاني"



مخسد:

- وانندگ بواننت وبلكنت.
- گون شاعرونو يسوكا درستى بنت.
- شه شاعرونو يسوكي خذمتا به دود وربيدگا سي بنت.

- ١. ولى محمد رخشاني كئ انت؟
- ۲. بلوچیی زوانی ای نویسوک و شاعر گجا ودی بوته؟ ۳. ای نویسوکئ گجام اثر چاپ و شینگ بوتگنت؟

خدا بیامرز ولی محمد به هجری شمسیی ۲ ۱۳۱ سالاً به نیمروزی ولایتئ کنگئ ولسوالییا حاجی مهر دل خانی لوگا چم پاچ کرت. ټو که بوت رخشانییا وتي نامي پداگیش کرت. ولی محمد رخشانی ۲ ۱۳۳ سالاً ابو داود سجستانی مکتبا شت و ۱۳۶۵ سالاً په سوب شه نهم صنفا الاس بوت و هراتی دارالمعلمینا شت و ۷ ۱۳۲ سالاً شه اودنا دربوت و کابلی پوهنتونا آت و ۲ ۱۳۵ سالاً شه ای پوهنتونئ زبان و ادبیاتی دریی بارا دربوت. به همی سالا آ به کابلی ابن سینای مکتبا معلم بوت. درگتی که آ به کابلی پوهنتونا سبخه وانت گون رادیو افغانستانئ بلوچیئ پروگراما هم موشکول ات. پمیشا اطلاعات و کلتورئ وزارت شه تعلیمئ وزارتا لوټت که آیرا بلیت که رادیو افغانستانا کار بکنت.

۱۳۵۳ سالا ولی محمد رخشانی کمین و هدیی رادیو افغانستاناکار کرت و شه اودا سرکار آیرا په آل انډیا رادیوئ بلوچیئ پروگرامئ کارانی دیما برگا دیم دات.

ولی محمد رخشانی شه هندوستانی آل اناپیا رادیوئ بلوچیئ پروگرامئ بنگیج ایرکنوکان انت، آ ٤ سال به هندوستان موند کرت و به رادیو ی کارانی پانادا دهلیی پوهنتونا شت وشه همودا وتی ماسترییا به پارسیی ادبیاتاگیت.

آرنداشه ۱۳۵۷ سالا تا ۲ ۱۳ میانی پنج سال به بلوچیئ زوانئ سوب هپتگ تاکاگلایش ات و ای هپتگ تاکاگلایش ات. آشه ای سالا رند تا ۱۳۷۱ سالا نیمروزی ولایتئ، ولایتین شورای منشی ات، که په نیمروزی آباتییا بازین کاری تسر رسینت.

ولی محمد رخشانی کدی کدی شئر هم گشت که یکی شه آیی شیران شه رادیو افغانستانی هنرمندی نیمگا گون ساز و زیملا ونتگ بوته که شه بلوچیی پروگراما شینگ بوته وبیت، آیی بازین نمشتانکی بلوچیی زوانا چاپ وشینگ بوتگیت و به وتی زندگیئ ای گلهیین سالان بلوچیی زوانی خذمت،لیکگ و ادبیین چیزانی نزآرگاگټ ات.

ولى محمد رخشاني جالگي اثر چاپ و شنيگ بوتگنت:

۱_ نگاهی به تاریخ، زبان و ادبیات بلوچی.

٢_ سياسي، سماجيين لغتنامه، كه شه يار سيابه بلوچياگر دينتگيت.



٣_ بلوچيي متل و گالوار.

ولی محمد رخشانی ۱۳۸۳ سالا مکتبی بلوچیئ اول صنفئ کتابا نمشته کرت که به چاپا نه رست همی پیما ولی محمد رخشانی بلوچیی دود و ربیدگ، لبزانک (زوان و ادبیات) و فولکلورئ باروا چنتی اثر داریت که نا چاپ انت، آبازین دگه دپتر و دیوان دستئ چیرا داشت که مرک رساکی ندات که آوانا الاس بکنت.

رخشانی بلوچی ات و بیدی وتی زوانا، دری و پشتوی زوانان یانی هر دوکین ملین زوانا وانت ولکت و هبره دات. آ انگریزی و اردوا هم بلد ات، به ۲ ۸ ۱۳ سالی میانجینا ای دو روچیین دنیاها یل دات ووتی ابد مانین لوگاشت.

معلمئ تچ وتآك:

- * په وانندگاني پکرئ نزينک کرتنا، ديما شه سبخئ بنا کنگا شه آوان لهتين سکين (انگيزه) ودي کنوکين جست بکنت.
 - * سبخا په برزين تواري بوانيت.
 - * سبخئ نوكين كالاناكون مانايش به تختئ ديما نمشته بكنت.
 - * په وانندگاني اوشکتنا مطلبي بگشيت.
 - *گشتگین مطلبی باروا شه وانندگان جست بکنت.
- * شه سئ وانندگا بلوټیت که په رون چیزیکه دیما شه جستان اوشکتگنت په برزین تواري بگشنت.

وانندگانی تچ وتاک:

- دو وانندگ سبخا په رون په برزين تواري بوانيت.
- وانندگ سئ بار بنت و گون وت په ولي محمد رخشاني زندگيي باروا هبر بدينت.
- شه هرباري يک وانندگي چيزيکه به وتي بارا اوشکته و زانت په برزين تواري بگشيت.
 - هما مطلبا كه معلم صاحب په آوان گشيت په شري بشكننت.

- + اوشكتگين مطلبئ باروا جستاني پسوا بگشنت.
- + سئ وانندگ په رون چیزیکه دیما شه جستان اوشکته شه بر په برزین تواري بگشیت. شه وت کنگ:

عزتمندین معلم په ایشي که مالوم بکنت که وانندگ سبخا په شري هیل زرتگنت آکه نه شه آوان جست بکنت.

- كئ ولى محمدرخشاني زندگيي باروا هبر داتگه كنت؟
 - ولى محمدرخشاني شه گجا ات؟

هميراز په وانندگاني لکتني مهارتي پرواک کرتنا په آوان لهتين جمله گشتگ بيت.

کسویین کار: ولی محمد رخشانی اثرانی ناما به وتی کتابچهان نمشته بکنت.

دموكراسيئ كدر

مخسد

- وانندگ سبخا بواننت وبلکنت.
 - دموكراسيئ مانا بزاننت.
- شه دموكراسيئ پايدگ و كټاسى بنت.
 - نوكين گالاني مانا بزاننت.

جست:

١. دموكراسي چي وړئ نظامي انت؟

دموکراتیکین نظامی پایدگ چی انت؟

۳. دموکراسی به گجام بن خشتانی سرا اوشتاتگیت؟

دموکراسی یونانیین گالی انت که دو بار داریت, یکی دموس یانی مردم و دگری کراتوس واک و حکومت، سرجما مردمانی حکومتی مانا رسینیت. یانی مردمانی واکداریی نظام, ای نظام به قانون، آجویی و اخلاقئ سرا اوشتوک انت. شه قانونا مخسد هما قانون انت، که بر یبرگون مردمانی لوټگا جوړ بوتگ بیت، باید انت به ایشی باز دلگوش بیت، که ادا شه آجوییا مخسد بی باکی نه انت، که هر چه تهی دل لوټت تسر بر سینئ و اخلاقئ مخسد هم ایش انت که هر مردمی دگرئ حکانی سرا رازی دلگوش انت چو که وتیا.

هر راجی قانون و اخلاقی نیاما پرک انت, پمیشا دموکراسی هم پرک کنت و آجویی هم توپیر داریت که شه آوان دو ډک تر انت:

١_گشتانكي(هبرئ) آجويي.

٢_كلمي (لكتنئ) آجويي.



دموکراسی شه ډول ډولئ واکداریی رازان, یکی انت و باور داریت که شه راجئ گیشترین کوتی پکر و خیالا پد روکی بکنت, وطنی نندوک بریبرین حکی دارنت ویک وړی آجویی واوند انت, همی راز دموکراسییا مردمانی واکداریه زاننت.

به دموکراتیکین نظاما, جمهورین صدر, پارلمانی باسک, قضاوت و عدلئ واک و حکومتئ واک گچین بنت که ایشانی گچین بوهگی دود و دستور پرک کنت.

دموكراسي جالگي بن خشتاني سرا اوشتاتگيت:

_گشتانك, كلم, گل(حزب) و مچياني آزاتي.

_ درگیجگئ آزاتی.

_ قانونع واكداري.

_ سئ واک چو:

١_ قانون جوړكنوك.

٢ ـ عملي كنوك.

٣_ قضاوت.

ایشانی جتاکرتن.

_ بارگرگ:

یانی مردمانی کوت گرگ به برزگی مچین یات بوتگین مسئله ان.

به هر ملکی که همی هبر عملی بنت، شنت که او دنا دموکراسی و مردمانی واکداری انت. دیمترایات بوت که یکی شه دموکراسیی رو تگان، گلانی (حزبانی) آجویی انت، هر گل شه وت و په وت سیاستی داریت، هر گل که واکاگیت وتی پروگراما عملیه کنت، به یک وطنی که او دنا دموکراسی انت، رندا شه درگیجگا، کمی بدل بوهگ هم کیت مگه بنیادی بدله نه بیت.

چىدگى پىما:

هر گلی که واکدار بیت، بنیادمانی بنگیجیین حکانا نه بدلاینیت پرچی که مچین گل بنیادمانی حکانی باروا، هورین پکر و خیالی دارنت.

همی راز مردمانا خیال ایش انت که اول ربیدگیین دموکراسی به میانجینا بیت و رندا راجی تها دموکراتیکین واکداری، ای هبر مان فرانسه ی مزنین انکلابی درگتا دیستگ بوت که او دنا دموکراسیی پکر و خیال اولسرا ودی بوت و رندا دموکراتیکین واکداریی بن سینگ اشتگ بوت.



دموکراسیی وړ و بهر گروک توپیر دارنت, چیدگی پیما:

مان کهنین یونانی دموکراسیا, تی (گلام) بار گرگئ حکی نه داشتش.

دیم شه آیی که بنیادم دموکراسیی نظاماً درگیت, یکی آ دگرا گون زوراکییا رهشون ات, یکی آد گرا ویلا سرکټ کرت، جیلی تها پرینت، مال و پیی په زورا نسری واوندیه بوت و جندیش ټی و گلام و جنانش مولد و کنیزه کرت.

زوراک بی وسین مخلوکا بریبرگون وتی مرزا جورینت، هیچبر زوراکی دل په نزورا نه سوهت، دوهمی شه اولییا چیزی تو ماکرتگه نکرت.

دموکراسیی نظاما کسی را تاوانی کرت نه کنی, قانونا پادموش کرتگه نه کنی و هر گامی که چست کنی بایدانت گون قانونا دپ بوارت, بید شه آیی بایدانت پسوی بدیی.

به دموکراتیکین نظاما تراحکی نه انت که به دگری کاران دست مان بدیی واگه ویلا دگری راجورینتی بس دگه واکدار و قانونئ ساتوک شنت خیره ته بیت وپه زراب تهی سر و سوجا کابنت.

دموکراسیی نظامئ واکدار و سروکانی وظیفه انت که بر یبرگون راجی مخسد, راجئ منیتگ بوتگین سیاستا, آیی قانونا دیما برنت, بری نظاما راج و سرکارئ نیاما توپیر نه انت و یکی شه دگراجتانه انت.

به دموکراتیکین نظاما, تانکا مردمانی گچین کرتگین کس, کارانا تسره رسیننت و په سکیانی گارکنگا دگرانا رهشو نیه کننت, راجئ حکنت که آگه سرکار رد کرت سوجئ بکنت, مگه مه شموشن که مردم کرتگه نه کنت قانونا پروشیت وبه وتسرین کاران دست پرینیت.

بری گلهیین وهدان به امی عزیزین وطنا دموکراتیکین نظامئ روتگ سک بوتگنت امئ مردم وتی واکدارانا وت گچینه کننت.

مردم به درگیجگا باره زورنت, وتی جمهورین صدر و آیی کمک کاراناگچینه کننت, هم وهده وتی ولایتی رهشونین ارگان، یانی ولایتیین شورای باسکانا هم گچینه کننت.

ملیین شورای باسکانا همی مردمانی جندگچینه کننت و حکومتی باسک شه ملیین شورای نیمگا منتگ بینت یا که منتگه نه بنت, ایش وت دموکراسیی درا کنوک انت که اما باید ا نت کدرئ شریا بزانن و په کسی رای بدین و گچین کنن که په امئ جندئ کټا بیت.

معلمئ تچ وتاگ:

* وانندگاني گسويين كارا بچاريت.



- * په وانندگاني پکرئ نزآورتنا، ديماشه سبخا شه آوان هما جستاناسوج بکنت که به سبخئ برزگا نمشته بوتگنت.
 - " سبخا په برزين تواري بوانيت.
 - * سبخئ نوكين گالانا به تختئ ديما په وانندگان نمشته بكنت.
 - ٔ په وانندگاني اوشكتنا لهتين جمله بگشيت.
 - * گشتگین جملهانی باروا لهتین جست بکنت.
 - * شه سئ وانندگا بلوټيت که چيزيکه ديما شه جستان اوشکتگنت شه بربگشنت.
 - وانندگاني تچ وتاك:
 - + دو وانندگ په رون نوکين سبخا په برزين تواري بوانيت.
 - + وانندگ سئ بار بنت و گون وت په گچین کاریی باروا هبربدینت.
- + شه هرباري یک وانندگي چیزیکه به وتي بارا گچین کاریي باروا اوشکته وزانت په برزین تواري په دگران بگشیت.
 - + هما مطلباكه معلم صاحب په آوان گشيت په شري بشكننت.
 - + اوشكتگين مطلبئ باروا جستاني پسوا بدينت.
 - + سئ وانندگ هما مطلبا كه ديما شه جستان اوشكته شه بر په برزين تواري بگشنت.
 - شه وت کنگ:
- عزتمندين معلم په ايشي كه شه وت بكنت كه بارين وانندگ سبخا په شري هيل زرتگنت آگه نه شه آوان جست بكنت.
 - كئ گچين كارىي باروا هبر داتگه كنت؟
 - شما تاانون به گچین کاریا بار زرتگت؟ کدي و گجا
 - په وانندگاني لکتنئ مهارتي پرواک کرتنا، لهتين جمله په آوان گشتگ بيت.



نه ترکتگین ماین



مخسد

- وانندگ سبخا بواننت وبلكنت.
- شه نه ترکتگین ماینانی تاثیرا سی بنت.
- به اوداکه نه ترکتگین ماین انت مه رونت.
 - نوكين گالاني مانا بزاننت.

جست:

- ١- كئ مايناني تاوانئ باروا هبرداتگه كنت؟
- ۲- شه کدي پا مايناني جوړکرتن و کارمرزکرتن داب بوته؟ ۳- نه ترکتگين مهمات گجام انت؟

نه ترکتگین مهمات هما سلیح و جنگیین اوزارانت که به مروجنگئ وهدا شه آوان کارگپتگ بوته مگه نه ترکتگنت چو: رازرازئ راکتان، دستیین بمان، ټانکئ مرمیان، توپکاني رازرازئ تیران و هما بمان که شه بالئ گرابان شه برزگا به جالگا ایرداتگ بوتگنت.

شه نه ترکتگین مهمات و ماینان دیمگیری کنگ آنکسین سکین کاری نه انت، پچیکه به ډگارئ دیما ایر انت و په آسانی دیستگه بنت مگه ماین که به ډگارئ چیرا کرم انت سک خطر دارنت و ایش دیستگه نه بنت و ناگتا انسانئ مرک و ټپئ سببه بنت. انون گندن که شه کدی به انگو ماینانی جوړکرتن و کرم کرتن داب بوتگیت.

رنداشه دومی جهانیین جنگا، ماینانی جوړکنگ و کشگ داب بوت، ای نالتی و چیرین سلیح کشوک انت، ته انون مزنین مخلوکی زنداگپتگیت و بازینئ دست و پا دا هم گلپتگیت و مروچی هم بازین دیمحونی گرگا انت.

ماین چیرداتن به افغانستانا، نزینک سی (۳۰) سال موند کرت.

ماینانی کرم کنگ په ای دو مخسدا ات:

١_ وتى ساتتن.

٢_ مخالپئ ناگتين گير آرگ و په آيي تاواني رسينگ.

ماین چو دام و تلکی، روچی نه انت که به امئ وطنا مخلوک شه آمینانی دستا که مرگی وهده کرم بوتگنت، کشتگ یا تپی مه بنت.

شه ملل متحدی کئولا، ته انون به افغانستانا ۱۵۰۰۰ مردم ای مینانی دیمحونی بوتگنت، مروچی افغانستانا ۱۰۰۰۰ گوندو که کسانین زاگ یا مکتبی بوتگنت تپی انت که ایشانی مسترین کوت ماینانی شکار بوتگنت، ای تپیانا په کار انت که درمان کنگئ کلنیکی داشتگ بنت تا که اودا په آوان مساله یین باسک و دست و پاد جوړ بیت.

به امئ وطنا تانکا ۱۳۸۷ سالا ۹٫۵۶ کیلومتر چارکندي (مربع) ډگار شه کشتگ بوتگین ماینان پاک بوتگیت و همی سالا مردمانی خلاپی ۸۱۰۰۰ کړی، ټانکی خلاپی ۲۰۰۰ کړی و نزینکی ۲،۵ ملیون تیر که شه گوستگین جنگان منتتنت گار بوتنت.

مچین افغانستانا شه ماینان پاک کنگ، خرچ و وخت کار داریت، سری ایشی ملل متحد تلوسیت که هر چنکس زوتتر شه ای سر ډگارا، ماین گار بنت، مگه باز هم ماین پاک کنگئ خرجا تا ۲۰۱۳ ی سالا ۸۰ ملیون دالر زانت که سک باز انت.

انگته به افغانستانا ۸ ملیون ماین کرم انت که روچی تها ۱۰ مردمئ زنداگرنت و ایشانی شه صد یا چل کسانین زاگ انت، گجام گونډو؟ آیی که روت آپ بیاریت، په لټ و دار و چومولیی مچ کنگا دره بیت، هورتین مالانا په چراگا بارت، یا په لیب و گوازییا به یک ډنیسکی روت یا که مکتبا روت شما که شه گسادیم په مکتبا کایت یاکه پداشه مکتبا لوگا بره گردت، شمی چم به کسی کپتگیت که پادی نه داریت و کوپگانی چیرئ لټ انت و گون آوانی کمکا په سکی و زحمت روت و کیت، پام کرتگت که یکی باسکی نه داریت و دگری یک دست و یک پادی واوندانت و سئ عرابهین گردوکئ سرا چاره وارت.

شه وت سوج کرتگت که ایشانا چه بوتگیت؟ وتی وجودی باسکا بها ونه کرتگنت؟ نه، ایش مچی ماینانی شومین تاثیرانت که هر روچ اماره جوریننت و جنگ و جیرها هوشاکارنت. ایش چنکس سک گوزیت که یکی ناکتا بشکنت که آیی پهنادئ زیین همسروگ و نزینکین براسو و هم صنفی مروچی خرواران حاکئ چیرا انت، آکه زی رنداشه مکتبی الاسیا دیم په لوگاشت ماینی شکار بوت و جابجا ساهادات، جونئ لوگابرتنت و نزینک نماشاما گوری

مروچی ماینانی گارکنوک و پټوک جاگه راکه ماینی کرم بیت، گون سینگ و ډونکان که سورین کشک دارنت نشانیه کننت، اگه شما شه چشین هندی سرگوئزه بوتیت، واړی تها مه پترت و دگرانا هم سوگه کنیت که نزینک مه بنت.

مهمات و نه ترکتگین ماین به بازجاگه وهندان ودیه بنت. مهمات په آسانی دیستگه بنت، بلی ماینانی دیستگ بنت، بلی ماینانی دیستن سکین کاری انت، اگه شما به انچین جاگهئ زندگیه کنت ویا به انچین سونی سفره کنت که ماین کرم کرتگ بوتگ بنت باید به خطرئ کشک و علامهان باز دلگوش کنت. سئ رازئ نشان به جتاجتاین جاگهان دیستگه بنت.

١ - رسميين نشان و علامه كه شه ماين پاك كنوكاني نيمگا اشتگه بنت اي راز انت:

- هما سنگ که سوررنگ بوتگنت، ماینئ خطرئ نشان دیوک انت.
- هما سنگ که اودي رنگ بوتگنت، مهماتي خطرئ نشان ديوک انت.
- هما سنگ که سپیت رنگ بوتگنت، بی خطر ویاکین جاگهئ نشان دیوک انت.

رسمیین نشان که برزگاگُشتگ بوتنت به دیوال، ډلتگین گس، جنگئ میدان، ویل کرتگین گس، سرک، نارو جو و پُلانی کرو دامونا دیستگه بنت، به لهتین جاگهان سمټیین ټیلوک (پایگ) که سور و سپیتین رنگ دارنت اشتگ بوتگنت که سورین نیمگ خطر و سپیتین نیمگ بی خطریی نشان و علامه زانتگه بیت.

٢ - لهتين نشان شه مردماني نيمگا به آواني سيم ودمگان اشتگه بنت كه اي راز انت:

- حاک و سنگئ برینگوک (دک، بورگ)
- لټيين ټيلوک ياسنگيين ټيلوک که به خطرئ وړئ جاگهان اشتگ بوتگنت.
 - درچكانى بلگ، باشلوك و لت كه راه وسركانى ديما بند پرينتگ بوتگنت.
 - سنگ که به سرکئ تها پرینتگ بوتگنت.
 - و اي رازئ دگه نشان و علامه.
- ۳ هماجاکه که گته بیت که اودا مهمات و نه ترکتگین ماین ودیه بنت ایش انت.
 - هندي که ديمامرو جنگ بوته.
 - هندي كه حيواناني پوست وهلوك ديستگ بنت.
 - پوجیین هند و چیرکپگئ دوار.
 - بزین جک و کوټورو گیابانیین جر و ډگاري که دگه رنگ ودروشمي بداریت.
- به ډگارئ ديما مهماتي كپتگين صندوخ، ريتگين تير و منتگين پوجيين اوزار و وسيله.
- سیم وجک دارین سیم که دیماشه آوان په پسیل یادیوالئ جوړکرتنا کارگپتگ بوتگ بیت.
 - خرابهین راه وسرک که به آوان روگ و آیگ نه انت، و هما ډگار که کشتگه نه بنت.

آگه شما جاهی گون انچین چیزی که پجا نه کا ورتت دیم په دیمه بوتت و ماینی گت سر یه بوت، دیمایی مه رویت، نشانیانی وتی کاگدئ دیما بگرت و پولیسا سهی بکنیت وای وړا شه مزنین بد کسمتیی دیمگیری بکنیت.

معلمئ تچ وتاگ:

- * په وانندگاني پکرئ نزينک کرتنا، ديما شه سبخا شه آوان هماسکين ديوکين جستانا که به سبخئ برزگا په مهمات و نه ترکتگين مايناني باروا لکتگ بوتگنت سوج بکنت.
- * سبخا په برزين تواري بوانيت و په ايشي که مهمات ونه ترکتگين مايناني درست کرتن په مچان

باز ضرور انت به سادگین زوانی که وانندگ جوان سرپد بنت وشه آوانی خطر وتاوانی دیمگیریا سی بنت هبربدنت.

- * سبخئ نوكين كالانا كون مانايش به تختئ ديما بلكيت.
 - * په وانندگاني اوشکتنا مطلبي بگشيت.
 - * گشتگین مطلبئ باروا شه آوان جست بکنت.
- * شه سئ وانندگا بلوټيت که چيزيکه ديما شه جستان اوشکتگنت شه بر په رون په برزين تواري ىگشنت.

وانندگاني تچ وتاک:

- + دو وانندگ په رون سبخا په برزين تواري بوانيت.
- + وانندگ سئ بار بنت و گون وت په نه ترکتگین ماینانی باروا هبربدینت.
- + شه هرباري يک وانندگي چيزيکه به وتي بارا په نه ترکتگين مايناني باروا اوشکته وزانت په دگران بگشيت.
 - + هما مطلباكه معلم صاحب په آواني اوشكتنا گشيت په شري بشكننت.
 - + اوشكتگين مطلبئ باروا جستاني پسوا بگشنت.
 - + سئ وانندگ په رون چیزیکه دیما شه جستان اوشکته شه بر په برزین تواري بگشیت. شه وت کنگ:

عزتمندين معلم په ايشي كه شه وت بكنت كه بارين وانندگ اي سبخا په شري زرتگنت اگه نه شه آوان جست بكنت.

- كئ نه تركتگين مايناني باروا هبرداتگه كنت؟
- نه ترکتگین ماینانی جاگها شه چیی دیما زانتگه کنت؟

همي راز په وانندگاني لکتنئ مهارتئ گيش بوگا لهتين جمله په آوان په مهمات و مايناني خطرئ بارواگشتگ بيت.

گسویین کار: نه ترکتگین ماینانی تاثیرئ باروا نمشتانکی بلکت که شه هشت کشکا کستر مه بیت.

کیدوآیی ډول

مخسد

- وانندگ سبخا بواننت وبلكنت.
 - كيدوآيي ډولانا بزاننت.
- به جملان كيدئ ډولا درست كننت.
 - نوكين گالاني مانا بزاننت.

جست:

١. گجام گالاناكيده شنت؟

٢. كيد چنت ډول انت؟

۳. کئ جملی گشتگه کنت که به آیی جاگهئ کید بیت؟

کیدهماگال انت که گون آیی فعلی مانا روش و خاص کرتگه بیت چیزی راگون زمانگ، هَند (جاگه) حالت و وړو ډولاکید بکنت.

كيد چنت ډول انت:

۱_ جاگهی کید، چو:

ادا، همدا، اینگو، هینگو، آدا، اودا، همودان، هودا، آنگو، همانگو، درا، به تها، نزینکا، دورا، ای نیما، آنیما.

کریم بخش همداکاره کنت، به ای جملها کریم بخشی کاری هَند و جاگه نشان داتگ بوت یانی کریم بخش دگه جاگهی کار نه کنت، بلکین همید ناکاره کنت.

۲_ وهدی کید، چو:

هر وخت، هرو هده، نون، تننگا، باندا، پریری، پرندوشی، گړا، همی نون، هما درگتا، هر شپا، پیراری، امبرانی و دگه. دلگوش بکنیت، چیری جمله:

امبرانی اور باز گوارت.

ادا امبرانی و هدا دراکنت یانی پاری و پیش پیراری نه بلکین امبرانی اور باز گوارت.

بالاچ دوشی لوگاشت، که ایدنا دوشی و هدی کید انت.

دودا وتى مچين كتابا نابرت.

مچين زآگ مكتبا انت.

ايدنا محين كيد انت.

معلمئ تچ وتآك:

* په وانندگاني پکرئ نز آورتنا ديما شه سبخا شه آوان هما جستانا سوج بکنت که به سبخئ برزگا نمشته انت.

* سبخا په برزين تواري بوانيت.

* سبخئ نوكين گالانا به تختئ ديما نمشته بكنت.

* په وانندگان مطلبي بگشيت.

*گشتگين مطلبئ باروا شه آوان لهتين جست بكنت.

* شه سئ وانندگا بلوټيت چيزيکه ديما شه جستان اوشکتگنت يکواردگه شه بر په برزين تواري بگشنت.

وانندگاني تچ و تآگ:

+ دو وانندگ سبخا په رون په برزين تواري بواننت.

+ وانندگ سئ باربنت و گون وت په کید وآیي ډولاني باروا هبر بدينت.

+ شه هرباري يک وانندگي چيزيکه به وتي بارا په کيدو آيي ډولاني باروا اوشکته و زانت په دگر ان بگشيت.

+ نوكين گالانا گون مانايش شه تختئ ديما به وتي كتابچهان نمشته بكننت.

- + هما مطلباكه معلم صاحب په آواني اشكتناگشيت په شري بشكننت.
- + سئ وانندگ چیزیکه دیما شه جستان اوشکتگنت شه بر په برزین تواري بگشنت.

شه وت کرتن:

عزتمندين معلم په ايشي كه مالوم بكنت كه بارين وانندگ سبخا په شري هيل زرتگنت اكه نه شه آوان جست بكنت.

- كئ كيد و آيي ډولاني باروا هبر داتگه كنت؟
- كئ كسانين جملهي گشتگ و به آيي كيدا نشان داتگه كنت؟
- همي راز په وانندگاني لکتنئ مهارتئ گيش کنگا په آوان لهتين جمله بگشيت.



گسویین کار: ای سبخا به وتی کتابچهان بلکت و شه بر بکنت.

یکویی وتپاک

مخسد

- وانندگ سبخا بواننت وبلكنت.
- شه یکویی وتیاکئ کدرا سی بنت.
- به یکویی وتپاکئ کاران بار بزورنت.

جست:

- ا يكويي وتپاك چه پيدگ داريت؟
- ا گجام راه و راهبند اماره گیشتر به یکویی و تپاکا رسیننت؟
 - * چون ٰبه وطنا وتي يكويي وتپاكا پرواک كرتگه كنن؟

مردمانی یکویی، ملکی دیمری و ترخیی و یا شرین زندئ بُنیاد انت و یکی شه ای یکویی رهبندان، مخلوکانی نیامئ دوستیئ آورتن و کدر کنگ انت که کرار کرار کرتگه کنت مرد مانا هم پکر و هم خیال بکنت که ایش وت شه یکویی باز زبرین بنیادان انت.

پادونی رهبند اماره به همی مخسدئ رسگا نزینک کرتگه کننت.

۱_ یکی آدگری زوانی کدر کنگ.

۲_ مچین کئوم و تمنانی دود و ر بیدگانا په برزین چمی چارگ.

٣_ وتر اشه وطنئ كئوم و تمنا ني دود و ربيدگا سي و سريدكنگ.

٤_ گون مچين كئوم و تمناني گل و غمان و ترا هور كنگ.

معلمئ تچ وتاك:

* په وانندگاني پکرئ نزآ ورتنا ديماشه سبخئ بنا کرتنا شه آوان هماجستانا سوج بکنت که به

سبخئ برزگا نمشته بوتگنت.

- * سبخایه برزین تواری بوانیت.
- * سبخئ نوكين گالاناگون مانايش به تختئ ديما نمشته بكنت.
 - * په وانندگاني اوشكتناكسانين مطلبي بگشيت.
 - * په گشتگين مطلبئ باروا لهتين جست بكنت.
- * شه سئ وانندگا بلوټيت چيزيكه ديما شه جستان اوشكتگنت په وار شه بر بگشنت. وانندگاني تچ وتاك:
 - + دو وانندگ سبخا په رون په برزین تواري بوانیت.
 - + وانندگ سئ بار بنت و گون وت په اي سبخئ باروا هبر بدينت.
- + شه هرباري يک وانندگي چيزيکه شه وتي همراکان اوشکته و زانت شه برپه وار بگشيت.
 - + سبخئ نوكين گالاناگون مانايش شه تختئ ديما به وتي كتابچهان بزورنت.
 - + هما جملهانا كه معلم صاحب په آواني اوشكتنا گشيت په شري بشكننت.
 - + اوشكتگين مطلبئ باروا جستاني پسوا بگشنت.
 - + سئ وانندگ په رون چیزیکه دیما شه جستان اوشکته شه بر په برزین تواري بگشیت. شه و ت کرتن:

عزتمندين معلم په ايشي که بزانت که وانندگ اي سبخا په شري هيل زرتگنت آگه نه شه آوان حست بکنت.

- كئ يكويي پايدگ و كټئ باروا هبر داتگه كنت؟
- یک مُلکی دیمریی و ترخیئ بُنیاد به چیئ سرا انت؟

همي راز په وانندگاني لکتنئ مهارتئ گيش کنگا په آوان لهتين جمله گشتگ بيت.

گسویین کار:

عزيزين وانندگان! په يكويي و تپاكئ باروا نمشتانكي بلكت كه شه چاركشكا كستر مه بيت.



متل

مخسد

- وانندگ سبخا بواننت وبلكنت.
- متل وگا لوارانی مخسدا بزاننت.
- متل وگا لوارانی کار مزر کرتنئ وهده و پاسا بزاننت.

حست:

١. كئ متلى گشتگه كنت؟

٢. متلئ مخسد چې انت؟

٣. متلاني گشوك كئ انت؟

بلوچ به وتي زندگيئ راج دپترئ دراجيا، وتي خاصين دود و ربيدگيين ارزشتانا ساتتگ، آوانا كارمرز كرتگ و شه يك دور و باريي، شه يك نبيرگي په دگه نبيرگي رسينتگنت، كه متل وگالوار هم اي دود و ربيدگيين ارزشتاني مزنين باري زانتگه بنت، كه باز غديمي و كهنين دور وزمانگاني زانگ، هنر و پكر و خيالاني روش و دراكنوك انت كه شه آواني اوشكتنا بلوچاني پكرو خيال، تب وخو، زندگيي جاوروحالت، سدك و باور، رسم و داب، سيالي و اوستاتن و نشتنئ وړو ډول زانتگه بيت.

متل هم نكل و چاچاكهاني رازايك ولسي مچين مردماني يگجايين كنډي و ميراث انت كه آواني گشوك درا نه انت مگه مچين مردم آوانا به وتي هبراني تها كارنت، پميشا متل و گالوار به مچاني ديما باز كدر و رو دارنت.

انچا متل کسانین جمله انت، مگه به وتی مزندا باز مزنین مانا داریت، متل دورودراجین آزمایشت

و دپ دیگانی آسرانت، که سالان سالئ تهاگشتگ و اوشکتگ بوتگنت، ایدنا شه بلوچانی پرگنجین خزانگی تهی متلان، چیدگی پیمایات بیت.

جنین ز آگ گوارکو باز دارنت، دایم یکی آ دگر یارونت، گون وت گپ و هبره کننت، دلی حالانا گون یکی آ دگرا گشنت، سکی و سور یانا یاته کننت، گون یکی آدگرئ گس و لوگئ جوانین سرجم وبرجم و پاکیزگی و براهئ دیستنا، بازپرمعناین متلی گشنت.

چو: ماهو انت که شاهو انت.

اي متل جنين زاگئ تاثيرا، به گس و لوگئ آبات ساتن، مردين زاگئ وشنامي و سوبا درشان کنت، که لوگ بانوک (ماهوي) دلسوچي وزحمتئ کټ انت، که هرچيئ غما وارت و سرو پاسري گيت و وتي روزي و هستيا، په شري نزه کاريت و شه ويلين خرچ و ري و ريچا ديمگيريه کنت، شه آيي شيره زالياکس براهدار و گسئ روزي برکت ودی کرته و ای کار سبب بوته که شاهو (گسئ مردين زاگ) و شنام و سويين بوتگيت.

دگه متلی:

لوگا نیستگار ناما میر دولت خان.

اي متل به آمردماني شاناگشتگه بيت كه به وتي گس و لوگئ تها په نيستگاري زندگيه كننت بلي شه گسا در مزنين نام و تواري و اوند انت و دگه مردم په وتي سكياني حلاينگا به آييا كاينت. چوش دريچه كپيت كه كسى تهى زنچكا دست پرينيت و ته انچوبى وس بيى كه دستى شه وتى زنچكا الاس مكنى، ادا دگه اړ بيى كه هيچى مه گشى و مه كنى، مگه وتى وارا سيل بكنى، اكه نه:

هر که منا بجنت لټي دستي برين گټي و آگه دپ و دنتاني نداشتي که گټ بري گډان دعا کني:

هر که منا بجنت داری دستانی بوارت ماری

لهتين متل:

۱_ جاگه یی که آرگ نه دنت مه کری.



۲_ یه هماکسا بمرکه یه تو تیه کنت.

٣_ شه هرا باري، شه زاما ساكاري.

٤_ لوى جوش جنت، سنټي سوچيت.

٥_گله شه گلها رودي جوشه جوا.

٦_ نيموني چكا _ ماسئ نوكا.

٧_ وروك نه منوك.

٨_ آگه گرك مه بيت شو انگ كُچكا چيوه كنت.

٩_ زاماس که نوک انت و سوگنوک انت.

١٠ هيلوا هيل مدئ كه هيل داتئ بلهى كن و چار بدى.

۱۲_ پیر بوتی میر نه بوتی.

۱۳_ شه مرتگین شیرا زندگین روباه گهترانت.

۱٤_ ناسر پدین زاماس گون و سوی باتان ربیه وارت.

١٥- آگه سال سک انت سلاحک انت.

١٦ – ته يه من كه من يه ته.

۱۷- روچ گون دو ناونا چیر ه نه بیت.

١٨ - ساله رونت كاله ماننت.

١٩ - راستين هبرا شه زآگا سوج بكن.

۲۰ - دروگا پای نه انت.

معلمئ تچ وتآك:

* په وانندگانی پکرئ نزآورتنا، دیما شه سبخا شه آوان هما جستانا سوج بکنت که به سبخئ برزگا لکتگ بوتگنت.

* سبخا په برزين تواري بوانيت.

* سبخئ نوكين كالا ناگون مانايش به تختئ ديما نمشته بكنت.

* په وانندگانی اوشکتناکسانین مطلبی بگشیت.

- * يه گشتگين مطلبئ باروا لهتين جست بكنت.
- * شه سئ وانندگا بلوټیت که چیزیکه دیماشه جستان اوشکتگنت شه بر په برزین تواري بگشنت. وانندگاني تچ وتاگ:
 - + دو وانندگ په رون نوکين سبخا په برزين تواري بوانيت.
 - + وانندگ سئ بار بنت و گون وت په متلاني باروا هبر بدينت.
 - + شه هرباري يک وانندگي چيزيکه شه وتي همراکان اوشکته وزانت په دگران بگشيت.
 - + شه هر باري يک وانندگي سبخي يک يک بارا شه کتابي ديما په برزين تواري بوانيت.
 - + سبخا بشكننت و نوكين گالانا گون مانايش شه تختئ ديما به وتي كتابچهان بزورنت.
 - + هما جملهاناکه معلم په آوانی اوشکتناگشیت په دلگوش بشکننت.
 - + اوشكتگين جملهاني باروا جستاني پسوا بگشنت.
 - + سئ وانندگ په رون چيزيکه ديما شه جستان اوشکته يکواردگه شه بر په برزين تواري بگشيت. شه و ت کرتن:
- عزتمندین معلم په ایشي که شه وت بکنت که بارین وانندگ سبخا په شري هیل زرتگنت اگه نه شه آوان جست بکنت.
 - كئ متل و كالواري كشتكه كنت؟
 - اي متل په چياگشتگ بوتگيت؟ واي وطني هشكين دار.
 - همي راز په وانندگاني لکتنئ مهارتئ برزبرتنا په آواني لکتنا لهتين جمله گشتگ بيت.

گسويين كار: به وتي گسان شه وتي كهولي مزنان دگه متل بشكنت و به وتي كتابچهان بلكت.

جوانین رساک

مخسد

- وانندگ سبخا بواننت وبلكنت.
 - جوانین رساکئ کدرا بزاننت.
- په وانگ و زانگئ زورگا کوشست بکننت.

حست:

- ۱. شه جوانین رساکا کار گرگ چه پیدگی داریت؟

 - ۲. گجام کئوم و راج دیما شتگنت؟
 ۳. پچی باید به وانگ و زانگا دلگوش بکنن؟

ایش درا و مالومین هبری انت که مروچی آکئوم دیمری و ترخیی راها، کټوک و بودناکین گام چست کنت که کئوم و راجئ مخلوک سر پد بنت، بواننت، بلکنت و شه انونیین علم و زانگا بار و چانتی داشتگ بنت، عالم و دانندگش باز بیت و مچی گون علمی چراکا روشن بنت، پرچي که مردماني ديمري بيدي علم، وانگ و زانگا نه بيت، پداگندن که په امي راجئ ديمريئ خاطرا باید انت که امئ مخلوک و سرا شه مچان بچک و جنک بواننت.

مروچی هر ملکی دیمری و ترخی آگه سیاسی بیت یا که ربیدگی و اقتصادی و پیه یی، ایش مچی گون تعلیم و رودینگا لوپ وارتگنت تعلیم ورودینگ مچین بنیاد مانی حک انت و مچی باید انت شه ای بریبرین حکاکټ بزورنت، پمیشا تعلیم ورودینگ سرکارانی مزنین زمه واری بوت و ملکانی دیمری یاپش کپگ راستام گون ایشان بستگی و ربط داریت. گوستگین وهدان دوردستین دمگ والکانی جامنند و شهرانی بی وس و نادارین مخلوکانی بچ به مکتب ووانگ جاهان شتگ نه کرتنت وشه تعلیم ورودینگا پش کپتنت، مگه مروچی مچین بنیادم و ملکی نندوک تعلیم ورودینگی ضرورتا شریا پو و سرپد بوتگنت و به ای باراسک دلگوش دارنت.

مروچی به وطنانی دوردستان هم مکتب ووانگ جاجوړ ه بنت و انچو بنا انت که مچین کسانین زاک سبخ و تعلیما هیل بزورنت.

گوستگین وهدان افغانستانی مخلوک، پشتو و دریی زبانی سرا تعلیمه کرتنت مگه مروچی، افغانستانی بنیادیین قانون، ای ملکئ نسندوک و جامننداناحک داتگیت که به وتی ماسیین زوانا سبخ بواننت که اما بلوچ هم شه همئ حکئ کټ زورگا، ایش انت که به وتی جندی زوانا سبخه وانن.

همایی که بلوټیت په وتی زندی گهبودیا برزین گام چست بکنت، آگه ناسرید و نازانت بیت به مخسدا نه رسیت. آ بایدانت شه وتی تعلیم ورودینگی حکا باز کټ بزوریت تاکه وترا به شرین زندگیی چپ و چاگردا نزینک بکنت. مردم آگه وتی جندئ زوانا په تعلیم کنگ ورودینگا وس وواک داشتگ بیت، گلهان زوت تر به مخسدو هتگا رسیت.ماسیین زوانا وانگ نه تانکا زاگانی حکنت و زوراکین خوندوتا می داریت، بلکین مروچی یک ضرورتی انت.

پرچی که به دگه زوانی وانگ، اول بایدانت زوانا هیل بیی ورندا بوانی وبلکی،پمیشا بایدنت به وتی زواناچیزی په وانگ و چارگا داشتگ بیی. شه گوستگین چنتی سالانی پټ و پولان روش بوتگیت که هما وانندگی که به مکتبا به وتی ماسیین زوانا سبخ نه وانته، به دگه زوانی سبخا په شری هیل نه زرتگیت و آگه به کسانین زاگئ ماسیین زوانئ دیما روگا دلگوش بیت دگه زوان و علمانی یات گپتن په آیی آسانه بیت.

گون ماسیین زوانا یگجا، دگه زوانئ بنابوگ شه کسانیا، یکی آدگرئ سراکټوکین تاثیری داریت. هرچنکس که کسانین زاگ، به وتی ماسیین زوانا سبخ بوانیت، به هماکچانا په آیی پکرئ ود و دیما روگاکټوک انت. مچین وهده و پاسیکه به ماسیین زوانئ هیل زرتناگوازینتگه بیت، په

آيي ود وديما روگا زبرين اثري داريت. كسانين زاكئ ماسيين زوان آ وهدا باز تاوانه گنديت، كه شه سروهدا په آيي به ماسيين زوانا، سبخ زورگئ رساك ووخت ودي مه بيت و اي رازئ زاگ به هيل زرتن و هبر داتنا هم گون سكيان ديم په ديمه بنت.

به افغانستانی اسلامیین جمهوریی بنیادیین قانونی چل وسومی مادهاگشتگ بوتگیت: دولت مکلف انت په معارفی همسنگین دیما روگا به مچین افغانستانا په متوسطین تعلیمانی جبریین برجا بوتنا اثرناکین پروگرام بریبر و عملی بکنت ووخت ورساکا په ماسیین زوانی سبخ داتنا به آجاگهان که به آوان هبره دینت ودی بکنت.

مروچی بلوچانی زاگ بختاور انت، که به بازین جاگه وهندی به وتی جندی ماسیین زوانا سبخه واننت، مکتبان رونت، کتاب نمشته کننت، انترنټ و تلویزیونانا چارنت، رادیوا گوش کشگا انت، حالتاک، ماهتاک و دگه احوالتاکانی سرا چمشانک کننت.

نون بلوچ پُسگ و سرا ورناهانی کارو ذمه واری انت که سرین بندنت، شپ و روچا مچارنت، سبخ بواننت وشه ای نوکین رساکان کټ بزورنت ایش دراین هبری انت که بیدشه علما، هیچ کسی و هیچ راجی دیما یی شتگه نه کنت، ایش علم انت که بزگرا جوان و وشین ډگارا نشانه دنت، کشارگرا نشانه دنت که شه گجام توما کار بگیت و بکشیت، چه وړی هشمی را وچه هده کار مرز بکنت.

ای علم انت که بزگرئ زاگا داکترییارسنییت که مردمانا علاج بکنت. ایش علم انت که بگجت و شوانگئ زاگا انجینری کنت.گون علمئ برکتا انت که سرید و علمئ واوندین انسانئ مجگ آنکس وده کنت که مخلوک آیرا وتی جمهوریین صدر گچین کننت.

مروچی که بریبر گون افغانستانی بنیادیین قانونا بلوچانی زاگانی وانگ به بلوچیی زوانا بنا بوتگیت باید انت بلوچانی پُسگ شه ای قانونا باز کټ بگرنت و په وتی سرپدبوگ و پکری بُرز برگاشه ای امکان و رساکاکه افغانستانی سرکار زمه جتیگت که وانگی دیمی سکی و پونگاناگاره کنت بازسک بهره بگرنت.

پد به پد به ای هبرئ سراشرییا دلگوش بیت که راها په وانگ وزانگا پاک بساتت، شه ای دُرین

سهولتا کټ گرگ زبر انت. ای وانندگانی وظیفه انت که هروهده گون کتابا سروپټ بنت و دایم تلوسان بنت که جوان شرییا سبخ بواننت وای وړا په وتی وطن، راج ومردمانی دیمریا شرین ونیکین تاثیری داشتگ بنت.

ای زوانئ دیمری شمئ دستا انت، وهده په ترندی دیمایی تچیت، وهده انچین چیزی انت کسی آیرا او شتار ینتگه نه کنت. شه و هدا په شری کټ گپتن، کار کنگ و آیی کدرو کیمتئ زانگ ضروری انت.

مروچیین روچا باید بلوچانی سر پدو شیوارین ورنا وتی راجئ دیمریی بارواگون سبخی وانگا دلگوش بکننت، انسان په ادب انت، ادب به زانگا انت و زانگ شه وانگا. پمیشا وانگ و زانگ تانکا په کسان سالان نه انت، مسترین هم وت باید په وانگا جدوجهد بکننت.

وانگ و زانگ به کسان و مزنانی پیدگ و خیر ا انت، باید مزن، جن و مرد به سوادئ هیل زورگئ کورسان کوت و بار بزورنت، ای کورس هم به شاران پاچ انت و هم به الکان، که مردین زاگ و جنین زاگ به جتاین صنفان سبخ داتگه بنت. جنین زاگانا یکی شه گواران و مردین زاگانا یکی شه براسان سبخه دنت. عزتمندین معلم به باز دلسوچی گون مزنان کمکه کننت که سبخ بواننت و چیزی یات بگرنت، کاگدی بواننت، و سوادئ واوند بنت که شه سوادئ برکتا به وانتن و نمشته کرتنا سکیی مه دارنت.

شدوپد نه باید امئ دستا کاگدی که براسا راهداتگیت بیت و اماگس به گس چاربکنن که کئ په اما بوانیتی. بچارت و بوانت که شاعر ورناین جنکئ حالتا که وانگا نه زانت چون بیان کرتگیت:

زيباين جنكي

زیبایس جنگی چوگلابا چو بهارا اوشتا ته وتی لوگی د پا چوکه چنا را من راها راون به په پکرانی زکارا ناگاها، منابشت کته شیپولین توارا من چارت و گشتگ منا حیرانی گهارا جی برات! آگه ته نه وی اشتاپ په کارا بیا یک دمی شنک جن و تی حیرانین گهارا یک کاگدی، پسا من ششتاتگی ما را مردین گسا نیست که بوانیت هما را مردین گسا نیست که بوانیت هما را آچ وانگا می چم و نظر بسته میا را (گ. نصیر)

معلمئ تچ وتاك:

- * په وانندگانی پکرئ نز آورتنا، دیما شه سبخا شه آوان لهتین سکین (انگیزه) دیوکین حست بکنت.
 - * سبخا په برزين تواري بوانيت.
 - * سبخئ نوكين كالاناكون مانايش به تختئ ديما نمشته بكنت.
 - * په وانندگاني اوشکتناکسانين مطلبي بگشيت.
 - * په گشتگين مطلبئ باروا شه وانندگان لهتين جست بكنت.
 - * شه سئ وانندگا بلوټيت كه گشتگ بوتگين مطلبا په رون شه بر بگشنت.

وانندگاني تچ وتآك:

- + دو وانندگ په رون سبخا په برزين تواري بوانيت.
- + وانندگ سئ بار بنت و گون وت په وانگ وزانگئ پايدگ و كټئ باروا هبر بدينت.

- + شه هرباري یک وانندگي چیزیکه به وتي بارا په وانگ و زانگئ باروا اوشکته و زانت شه بر په برزین تواري په دگران بگشیت.
 - + نوكين گالا ناگون مانايش شه تختئ ديمابه وتي كتابچهان نمشته بكننت.
 - + هما جملهانا که معلم صاحب په آوان گشیت په شري بشکننت.
 - + اوشكتگين جملهاني باروا جستاني پسوا بگشنت.
- + سئ وانندگ په رون هما جملهانا که دیما شه جستان اوشکتگنت شه بر په برزین تواري گشنت.

شه وت کرتن:

عزتمندين معلم په ايشي كه شه وت بكنت كه بارين وانندگ سبخا په شري هيل زرتگنت آگه نه شه آوان جست بكنت.

- پچی وانگ و زانگ کدر داریت؟
- پچی اما باید انت په وانگ و زانگئ هیل زورگا کوشست و تلواسگ بکنن؟ همی راز په وانندگانی لکتنئ مهارتئ گیش کرتنا په آوان لهتین جمله گشتگ بیت.

گسويين كار: زيباين جنكئ شيرا به وتي كتابچها بلكت و شه بر بكنت.



براسین کوم

مخسد

- وانندگ سبخا بواننت وبلكنت.
- وطنع براسين كئومانا درست كننت.
- شه براسین کئومانی گوستگ وراج دپتراسی بنت.

حست:

- ۱. به افغانستانا گجام براسین کئوم انت؟
- ٢. شمى خيالاً په وطنئ ديمريا چي ضرور انت؟
- ٣. براسین کئومانی یکویی وتپاک چه پایدگی داریت؟

به امئ عزیزین وطن افغانستانا چنتی کئوم چو پشتون، تاجک، هزاره، اوزبیک، ترکمن، بلوچ، نورستانی، پشه یی، پامیری و دگه نه تانکا شه انون انت بلکین شه غدیم در غدیمان چو براسی یکی آ دگرئ پهنا دا زندگوازینتگنت و نون هم زندگیه کننت، یگجا په وتی ملکی آبات کنگا سرین بستگ و چارکه انت و په وتی آجویی ووطنی ساتتنا په هررازئ سربادیوکیی تیار انت. آکه امئ راجئ، راجد پترا هورت چاری ببیت، درا بیت که نه تانکا به کراری و وشوانییا بلکین سکین وهدان گیشتر ای سر ډگارئ با ترین نندوک و براسین کئوم، سرین بستگنت و شه وتی شرپ و ناموسا دفاع کرتگنت و په وتی سر ډگارئ ساتنا هورین جدو جهد داشتگنت و گون وتی بدواهان په باتری دیم په دیمی کرتگنت و دشمنا نه شمو شتنین سبخ داتگنت.

هر وهده که وطنی سربراه و رهشون، گون سکی و خطری ډوگ وارتگنت مزنین جرگه لوټتگنت چو که میرویس هوتک اولی وارا ای کاراکرت. آشه عزیزین وطن افغانستانئ نندوکین کومانی مزنان لوټت که په وتی سکیانی حلاینگئ سلا و شوری داتنا به کندهار نزبیاینت و دیوان و هبر بکننت که به آیی ای لوټگئ بنیادا شه وطنئ هرنیمگئ نندوکین کومانی مزن و اسپیت ریش وترا

به کندهار رسینتنت و به مزنین جرگها بار زرتنت و رندا شه دیوان و هبرکرتنا یگجایین پیسلی کرتنت.

به امئ وطنا مروچی هر کئومی وتی حکئ واوند انت وای حکئ ذمه وار، امئ بنیادیین قانون انت که په مچانی حکانی برجا بوتنا جوانین رساکی بریبر کرتگیت، هر کئومی په وتی زوانئ دیمر ییاشه وت احوالتاک داریت که به آیی جندئ زوانا شینگه بیت، هر کئوم زاگ نون به وتی ماسیین زواناسبخه وانیت و تعلیمه کنت، به ملیین تلویزیون و رادیوا شه وت پروگرام دارنت. به وتی هند و نیپادا، او دنا که کئومی شه دگه کئومان گیشترانت، ای کئومئ جندئ زوان رنداشه پشتو و دریی زوانان، سومی رسمیین زوان انت.

مروچی نه تانکایک کئومی زوان ملنډو په سبکین چمی دیستگه نه بیت بلکین کدر و کمیتی آنکس برزانت که وطنئ هر نندوکی به قاضیی دیما به وتی جندئ زوا ناشه وت دفاع کرتگه کنت. مروچیین روچا امئ مردم گیش شه دیما په وتی یکو یی پر واک بوگا اړانت، پرچی که دری دست مان دیگ و چل سالگین جنگ، به امئ دیما بازین سکی یی ودی کرتگیت. اما که نون شه دیمری و ترخیی کاروانا کموړوی پش کپتگن گیشتر په براسین کئوم وتمنانی یکویی و براسداریی پر واک بوگا ضرورت دارن.

گل وبالئ جاگه انت که مروچی، براسیی چراگ به امئ و طنا روک بوته که به آیی روشنیا، نون امی کسانین پُسگ و ورناین جنک و بچک سبخه واننت په زانگ و کمالی هیل زورگا کتابا به دستا گپتگنت، ایش مچین تلو سنت که گیشتر و دیمترا، په وتی وطنا دیمری و ترخیئ سوغاتا بیارنت و په جهانیان روش بکننت که هما رازی که په وطنئ ساتتنا گون وت کوپگ به کوپگ اوشتاتگنت به آیی آباتی و ترخیا هم یگجا کار و کوشسته کننت.

به براسین کئومانی تها توپیرنه انت. رنگ، زوان و دروشمی توپیر دارگی هبر شه کسی دپا اشکتگه نه بیت، مچین په وتی وطنئ دیمریی و آبات کنگا شپ و روچا، نه چارنت که زوت تر وترا به جهانی دیما شتگین و طنانی ریسگا برسیننت.

معلمئ تچ وتآك:

^{*} په وانندگاني نزينك كرتنابه سبخا وآواني پكرئ نزآورتنا ديما شه سبخا شه آوان لهتين جست بكنت.



- * سبخا په وانندگان په برزين تواري بوانيت.
- * سبخئ نوكين كالاناكون مانايش به تختئ ديما نمشته بكنت.
 - * په وانندگاني اشکتنا کسانين مطلبي بگشيت.
 - * گشتگین مطلبی باروا شه آوان لهتین جست بکنت.

وانندگاني تچ وتاک:

- دو وانندگ سبخا په رون په برزين تواري بوانيت.
- وانندگ سئ بار بنت و گون وت په براسين كوماني باروا هبر بدينت.
- شه هرباري يک وانندگي چيزيکه به وتي باراپه براسين کوماني باروا اوشکته و زانت په دگران گشت.
 - نوكين گالاناگون مانايش شه تختئ ديمابه وتي كتابچهان بزورنت.
 - شه هرباري يک وانندگي اي سبخئ يک يک بارا په برزين تواري بوانيت.
 - هما مطلباكه معلم صاحب په آوانگشیت په شري بشكننت وبه وتي هوشا بساتنت.
 - اوشكتگين مطلبئ باروا جستاني پسوا بگشنت.
- سئ وانندگ په رون چیزیکه دیما شه جستان اوشکتگنت یکواردگه شه بر په برزین تواري گشنت.

شه وت کرتن:

عزتمندين معلم په وانندگاني شه وت كرتنا كه بارين اي سبخا په شري هيل زرتگنت اكه نه شه آوان جست ىكنت.

- كئ براسين كوماني باروا هبر داتگه كنت؟
- بنیادییین قانون په وطنئ براسین کومان چي رساک بریبر کرتگیت؟
 په وانندگاني لکتنئ مهارتئ پرواک کرتنا په آوان لهتین جمله گشتگ بیت.

گسويين كار: وطنئ براسين كوماني باروا كسانين نمشتانكي بلكت كه شه چار كشكاكستر مه بيت.



چه هبر

مخسد

- وانندگ سبخا بواننت وبلكنت.
- شه چه هبری رسم وداباسی بنت.
- چه هبرا به وتي زواناگشتگ بكننت.

حست:

- ۱. چه هبرئ بارواکی چیزی زانت؟
- ۲. شه مردمانی دابان دگه چیوا زانت؟
- ۳. به شمئ خیالا چه هبرئ رسم و داب چه گهتری داریت؟

اینگویا آنگو بلوچانی تهایک رسم و دابی چه هبرانت، کسی که نوک شه راها کیت وگندیت که الکی نندوک، مزن واسپیت ریش، مچی نشتگنت، سلام ودُراه باتئ دنت، پسوی مردی که شه مچان به زاتا مسترانت و آبه حکیکتا همی گندونندی مزن انت، سراشه مچان، سلام دیو کی یسوا دنت:

وعليكم السلام!

وگيش كنت:

وش آتى:

شه آیی رند، گدان نندوکین دگه مردم هم گون نوک آتا، وش آتگی و وش آمده کننت. ای وش آت دو ورا انت: یکی ایش که دیوانئ مچین نندوک هور سوجئ گرنت، ای وهده یکی هبره دنت وآدگه مچی جوان گشنت یانی که رازی ووش انت. دومی ایش که هرکسا، کاسی کچانه ی واره رسیت که وش آت بکنت، چیدگئ پیما، رنداشه مزنا دیوانی دوهمی مرد که شه دگران مستر بیت، سُج وگج کنت، همی و را تاگل پین مردیا، هر گجام شه نوک آتا پرس وسوجی گیت، مگه رنداشه ای مجلسئ مزنئ موکل و ازمی گرگا.

ای پرس وسوج هم چنت رازانت، اکه نوک آت سادگین مردمی ات چوش آیرا سوجه کننت:

- هبرېدي!

آگه نوک آت شه کئومی مزن، کماش و سر وکان ا تگشنت.

- مهربانی بکن:

آگه نوک آت چنت مردم بنت دگه شه گونلهي ومزني و كار وذمه واريي ديماهرگجامي هبره دنت و آدگه يه كراريه كوشكننت.

بازی بلوچانی ټکرانی تها دود و دستور انچوش انت که تانکا اسپیت ریش یا ټکری کماش، جُست کنگئ حکا داریت ودیوانی نندوک کرار نشتگنت وگوش دیوک انت، ټکری هستیت که پرس وسوجی حکا مُلا یا پیش نمازا دینت، چشین هم انت که دیوانی کوت گروکانی مزن زات حک داریت که اولی سوجا بکنت.

معلمئ تچ وتآگ:

^{*} وانندگاني گسويين كارابچاريت، سوگه راهشوني بكنت.

^{*} په وانندگاني پکرئ نزآورتنا، ديما شه سبخئ بنا کرتنا هما جستانا شه آوان سوج بکنت که به سبخئ برزگا نمشته انت.

^{*} سبخا په برزين تواري بوانيت.

^{*} سبخئ نوكين كالاناكون مانايش به تختئ ديما نمشته بكنت.

^{*} په وانندگاني اوشكتنا لهتين جمله بگشيت.

^{*} په گشتگين مطلبئ باروا شه وانندگان جست بكنت.

* شه سئ وانندگا بلوټيت، چيزيکه ديما شه جستان اوشکتگنت يکوار دگه شه بر په برزين تواري بگشنت.

وانندگاني تچ وتاك:

- دو وانندگ په رون سبخا په برزين تواري بوانيت.
- وانندگ سئ باربنت وگون وت په اي سبخي باروا هبر بدينت.
- شه هر باري يک وانندگي چيزيکه شه وتي همراكان اوشکته و زانت په دگران بگشيت.
 - نوكين گالاناگون مانايش شه تختئ ديما به وتي كتابچهان بزورنت.
 - اوشكتگين جملهاني باروا جستانا پسو بدينت.
 - سئ وانندگ په رون چيزيكه ديما شه جستان اوشكته شه بر په برزين تواري بگشيت.

شه وت كرتن:

عزتمندین معلم په ایشي که شه وت بکنت که بارین وانندگ سبخا په شري هیل زرتگنت اکه نه شه آوان جست بکنت.

- کئ چه هبرئ باروا هبر داتگه کنت؟
- هشت وانندگ گون وت یگجا چه هبرئ دیوانی جوړیکننت؟

همي راز په وانندگاني لکتنئ مهارتئ پرواک کرتنا لهتين جمله په آوان گشتگ بيت.

گسویین کار: اي سبخا به وتي کتابچهان بلکت و شش وانندگ په وتي جندئ وش دگه روچي ديواني برجا بکنت وچه هبرئ دودا تسرکنت.



شيواري

مخسد

- وانندگ سيخا يواننت ويلكنت.
- شه كوشست و تلواسگئ جوانين آسرا سي بنت.
 - وهده وياسئ كدرا بزاننت.

جست:

۱- گجام جاندار بازکسان بلي سک زحمت کش انت؟
 ۲- شه وهده ووختا جوانين کټ نه گرگ چونين آسري داريت؟
 ۳- اگه وخت و وهدئ کدرا مه زانن چونه بيت؟

لوارئ تچكين روچاني موسم ووهده كه زبرين رساكي په كارا انت و گله وتوشگ ودانگئ نزآورتنئ وخت انت، خواريكشين مورينكي اي روچ و شپاني كدرا جوانه زانت، آشه تاري تا نواشاما كاره كرت و گله ودانگ نزه كاورت ووتى دورا سيله كرت. آ باندئ روچئ غما ات يك كتره يي هم ويلا نه گوازينت، سرآيي كه ديست كه به آيي پانادا مدگ، پوغوټ و ملاكه (پروانگ) هچيي غما نه انت كشت و كشار وباگاني تها آزاته گردنت، ورنت و وسپنت.

لوارئ گرمیي موسم ووهدئ شپ وروچ گوستنت، تیرماهئ موسم رست، درچک وپُلاني بلگ پلپت و زرد بوتنت و به ډگارئ دیما ریتنت، هوا وش وش سرد بوت.

خواریکشین مورینک که شه هما سروهدا دلسندین کارانا تسره کرت و په وتي آیوکا توشک و وراک نزه کاورت، زمستانئ پوره يي غما ات زانت که سردي و سکيي شپ و روچ به ديما انت، وتي سرينا سک تره بست و کاراگیشتر واکه دات، گله ودانگ نزه کاورت و پسان وامبار کرت. یک روچي شه مدگ، پوغوټ و ملاکها سوج کرت، شمئ زند وشه گوزیت؟ باندي روچئ غما وارتگت؟ من که شماره گند ین مچین روچا په گوازي ووشالیه گوازینت، بارین په وتي

زمستانا توشک و دانگ نزآورتگت؟ لوارئ موسم ووهده گوست، تیرماه رست، تیرماهئ پدا زمستان انت، همیکه چم مټ و پاچ بنت زمستان همه رسیت، سرده بیت، به سردیا کسي دله نه کنت که په گله و دانگئ نز آورتنا به ډنا بروت، آختا چونه کنت؟

پوغوټ، مدگ و ملاکه هیچ وتي خیالا نیاورتنت و هندتنت، پدا وتي گوازي وسیلا بنا کرتنت، هرسون چاره کرتنت، هرچه وراک، گله ودانگ که دیستنت، کاسي وتي هما دم و پاسئ ضرورتا وارتنت، دگه روچئ غما نه اتنت. مورینکئ هبرا اي شپ وروچ، هم انچو گوستنت که هیچ زانتگ نه بوت. تیرماه آسربوت و زمستان رست، گرندوگوات و هور وبرف مچین جاگها گپت و هیچ ساهداري شه وتي گس و واړ، کُډ، کلونډ و کدوگا در بوتگه نه کرت، هرگجامي به وتي گس و لوگا منت.

شیوارین خواریکشین مورینک، شه گرم ووشین موسم ووهدا په شري کټ گپتت. هما سروهدا اي روچاني غما ات وزانت که زمستانئ سردین روچ و شپه کاینت، وتي توشک و گله ودانگئ پکرا کرتت و شه هچییا کمیي نه داشت، جوانین وراک و خوتئ واوند ات. په کراري و اسرات زندگیه کرت، مگه لیباتین مدگ، پوغوټ و ملاکه که وتي مچین وختا په لیباتي وگوازي گوازینتتنت گشنگ، دل آپ و دست اورک منتتنت و هچې نه داشتنت.

یکروچي پوغوټ بازگشنگ بوتت،مدگئ گسا شوت و گشت: مدگ شریک غټ شه گشنا مرتون، گسا پوچي کاسا خوت وورگي نه انت که بورین، دستا تچک بکن چیزي په وراکا بدئ، مدگ گشت: شه گجا بیارین همي دما من شه ته گیشترگشنگون، مگه نه دیستئ که به لوارئ موسما من و ته هم گوازیه اتن، مشما اي روچاني هوشا نه اتن، بیاکه هردوکین به ملاکئ گسا برون و شه آیي نان، خوت و ورگي بزینن.

روچ ماله ات هردوكين لاپ گشنگ و دست اورك سوني ملاكئ گسا رادگ بوتنت، شه بي خوتي وبي وسيا په جواني راه شتگه نه كرتنت، سردين گوات وهورآوانا بي واركرتت، په يك رازي تلتنت و وترا به وتي شريك ملاكئ گسا رسينتنت، رندا شه وش آمد و سروسوجئ گپتن و گوستگين دورو باريي گل و گوازيي روچاني يات بوتا ملاكه شه آوان جست كرت، چون كه منا يات كرت، آگشتنت دوستئ يات امئ هوشا ات بلي نون گون سكي و ډكاليي ديم په ديم بوتگن، پميشا تيا په خوت و وراكا آتگن، پوغوټ وتي و مدگئ نكلا كرت و لوټت كه چيزي

ورگي شه ملاكها بگيت مگه ادا هم نه بوت ملاكه گشت: من هم باز گشنگون، درمنتگون چون كنين، شما وت ديستت كه به گوستگين گرم ووشين موسم و وهدا گون شما يگجا به گل وگوازيا مشكول اتون رساك ووختي په خوت وورگيي نز آورتنا نه ات، تانكا بيوسين مورينكوك اينگور و انگور گله و دانگئ ودي و نزه كاورت، نون دپه نه بيت كه شه آيي كمك بلوټن، مدگ و پوغوټ هما دما گشتنت: ملاكه براس! انگته هما ديمي ډكين هبرانا ده ئ، آگه چيزي ودي مه بيت مرن، بُست كه مشما هرسئين مورينكئ گسا برون بيت چيزي داشتگ بيت و بدنت. مدگ، پوغوټ وملاكه هرسين مورينكي گسا شوتنت، ديستنت كه مورينك سير و پربه وتي گسا وپته و هرنيمگي ورگيين چيزاني امبارديسته بيت، آيرا شه وابا پاد كرته رندا شه وش آمد و سروسوجئ گپتنا وتي ډكالي وگشنگيي نكلا په آيي كرتنت و گشتنت: نزينك انت شه گشنا مرن، په اما خوت و ورگي بيار، بازسك گشنگن.

خواریکشین مورینک که شه هما سروختا زمستانی سردین شپ وروچانی غما وارتت و گون وتی بازین کار وزحمتا هرچیا امبار و پسان کرتت شه هیچیا کمیی نه داشت، زوت په آوان ورگی آورت وگشت: ای سکیانا وت به وتی سرا آورتگت، گرم ووشین موسم و وهدانا په لیباتی وگل وگوازی گوازینتت، ای پکرا نه کرتت که باندا هم روچی هست آگه نه، انون به وتی سرا وارتت و گشن و چکالیا دیستت، دوارگ شما بیت و انچو مه کنت. به گرم و وشین موسم وهدا باندئ روچا مه شموشت.

معلمئ تچ وتآك:

^{*} وانندگانی گسویین کارا بچاریت، ردانش بگیت، سوگه وراهشونی بکنت.

^{*} په وانندگاني پکرئ ساجو کرتنا شه آوان هما سکين ديوکين جستانا سوج بکنت که ديما شه سبخا نمشته بوتگنت.

^{*} سبخا په برزين تواري بوانيت.

^{*} سبخئ نوكين كالانا كون مانايش به تختئ ديما بلكيت.

^{*} وانندگانا سئ بار بکنت که گون وت په اي نکلئ باروا هبر بدينت و گهسرا شه هر هلي يک وانندگي چيزيکه شه وتي همراکان اوشکته و زانت په برزين تواري بگشيت.

^{*} په وانندگاني اوشکتنا کسانين مطلبي بگشيت.

- * په گشتگين مطلبئ باروا شه وانندگان جست بكنت.
- * شه سئ وانندگا بلوټيت، چيزيکه ديما شه جستان اوشکتگنت يکواردگه شه بريه برزين تواري

وانندگانی تچ و تآگ:

- + گسویین کارئ کتابچهانا په چارتنا در کننت، معلمئ سوگه وراهشونیا نا به وتی هوشا بگرنت.
 - + سكين ديوكين جستاني باروا پكركننت.
 - + سبخا بشكننت و نوكين گالانا سيايگ بكننت.
 - + نوكين گالاني مانا شه تختئ ديما به وتي كتابچهان بزورنت.
- + وانندگ سئ بار بنت و گون وت په اي نکلئ آسر و نتيجئ بارواهبر بدينت و شه هرباري يک وانندگی چیزیکه شه وتی همراکان زرته وزانت په دگران بگشیت.
 - + چيزي که معلم په اوشکتناگشيت په شري بشکننت.
 - + اوشكتگين مطلبئ باروا جستاني پسوا بگشنت.
 - + سئ وانندگ په رون چيزيكه ديماشه جستان اوشكته يكواردگه شه برپه برزين تواري بگشنت. شه وت کرتن:
- عزتمندين معلم په وانندگاني شه وت كرتنا كه بارين سبخا په شري هيل زرتگنت اگه نه شه آوان جست بكنت.
 - كئ اي نكلئ آسرو نتيجئ باروا هبرداتگه كنت؟
 - شه اي آسمانكا چي پنت زرتت؟
 - همي راز په وانندگاني لکتنئ مهارتي پرواک بوتنا لهتين جمله په آوان بگشيت.

کسویین کار: دگه نکلی که وته زانت و یا شه شمی وتیان په شما گشیت به وتی کتابچهان بلکت و دگه روچی به صنفئ دیما بوانت.





فولكور يكين لبزانك

(ادبیات)

مخسد

- وانندگ سيخا يواننت ويلكنت.
- فولكوريكين ليزانكا درستكننت.
- شه لبزانكئ دروشم وډولاسي بنت.

حست:

- فولكوريكين لبزانك كي انت؟
 گالواريين ادبياتا به دگه گجام ناما ياته كننت؟
- ٣. آسمانك، ليكو، متل و چاچاني گشوك كئ انت؟

به جهانی راجد پترا، دایم ملت وکئوم په وت خزانگی شه زانگ وهنرا جوړ کرتگ وآیراشه یک نبیرگی په دگه نبیرگی رسینتگنت ای ملت وکئومانی تها، امی مخلوک هم بازین کنډی وخنجی شه زانگ و ادبیاتا داریت که می ملکی چنت هزار سالگین ربیدگیین راج دپتری گواه

هر گجامی ادبیات دورنگ ودروشم داریت.

- ١- لىكوكىن ادسات.
- ۲- نكليين يا گالواري ادبيات.



مى مخسد ادنا دوهمى يا كالوارى ادبيات انت.

گالواری ادبیات، ای ادبیاتا عامه یین یا فولکوریکین ادبیات هم گشنت که آیک راجی نندوکانی شوکی وهنریین زوانیین چیز انت چو:

آسمانک، کسمانک (ډرامه)، نکل، شير، متل، چاچ وليکو ودگه.

فولکوریکین لبزانک ادبیات، مچانی هورین گهانت وبه گجام مردمی تالک نداریت، چو: آسمانک، لیکو، متل و چاچ که گشوکش درا نه انت.

گالواریین ادبیات غم، گل وبال، عشق، تلا، خشم وگزب و مرانگیی نمونگ انت، پمیشا اما آوانا په برزین چمی گندن، چیدگی پیماشه لیکوان:

ماریی دارین نامی نازینک انت دختری نشتگ شک وآدینک انت

بنزین ریچین سوپرئ باکا تومنا دورکن شه... حاکا

معلمئ تچ وتآك:

- * وانندگانی گسویین کارابچاریت، سوگه و راهشونی بکنت.
- * په وانندگاني پکرئ نزآورتنا، ديما شه سبخا شه آوان هما جستانا سوج بکنت که به سبخئ برزگا نمشته بوتگنت.
 - * سبخا په برزين تواري بوانيت.
 - * سبخئ نوكين گالاناگون مانايش به تختئ ديما نمشته بكنت.
 - * وانندگانا رساك بدنت كه نوكين گالانا گون مانايش شه تختئ ديما بزورنت.
 - * په وانندگاني اوشكتنا لهتين جمله بگشيت.
 - *گشتگين جملهاني باروا شه آوان جست بكنت.

- * شه سئ وانندگابلوټیت، چیزیکه دیماشه جستان اوشکتگنت شه بر په برزین تواري بگشنت. وانندگاني تچ وتاگ:
 - + دو وانندگ سبخاپه رون په برزين تواري بوانيت.
 - + وانندگ سئ باربنت و گون وت په فولکلوريکين لبزانک (ادبيات)ئ باروا هبر بدينت.
- + شه هرباري يک وانندگي چيزيکه شه وتي همراکان اوشکته و زانت په دگران په برزين تواري ىگشىت.
 - + سبخئ نوكين گالاناگون مانايش شه تختئ ديما به وتي كتابچهان بزورنت.
 - + چيزې که معلم صاحب په آوان گشيت په شري بشکننت.
- + سئ وانندگ په رون چيزيکه ديما شه جستان اوشکته يکواردگه شه برپه برزين تواري بگشيت. شه وت کرتن:
- عزتمندین معلم په ایشي که مالوم بکنت که بارین وانندگ سبخا په شري هیل زرتگنت اکه نه شه آوان جست بکنت.
 - شه شماكئ فولكلوريكين لبزانكئ باروا هبرداتگه كنت؟
 - آسمانک، چاچاکه، لیکو و متلانی گشوک کئ انت؟

هميراز په وانندگاني لکتنئ مهارتئ پرواک کرتنا په آوان لهتين جمله گشتگ بيت.





حرف

مخسد

- وانندگ سبخا بو اننت وبلکنت.
 - حرفا درست كننت.
 - حرفئ وړ وډ ولانا بزاننت.
- حرفئ كار مرز كرتنا هيل بزورنت.

جست:

١. حرف چياگشنت؟

۲. جرئ حرف چيا شنت؟

٣. سرئ يا سرا چون كارمرزه بيت؟

حرف هما انت که نام وفعلانا وهمی و را جملانا ربطه دنت ویگجا کنت که آوانی پورهین مانا روش ببیت، حرف باز ډول داریت که ادا بیانه بنت.

جرى حرف: هما انت كه ناما كون فعلا يا كون فعلى مشابها يكجا كنت چو:

تها: شه ناما رنداكيت وآيي مانا «داخل» انت.

گسئ تها، باگئ تها، یابه گسی تها، به باکی تها. اگه نام «مجرور» گپتگ مه بیت گړا «تها» ی بدلا «به تی» کار مرزه بیت چو به تی نه انت یا به تی انت.

سرى يا سراچو:

په خیری شه سرئ گوست، سرئ چیرئ بوشت، واگه مجرور هم گشتگ بیت سرا گشتگه بیت چو: بلای شه آیی سرا گوست واگه مخسد عدد بیت گرا «سری» گشتگه بیت چو: سری مردم، سری پَس. همی ورا «سری» «گهترین» اول درجه هم مانا دنت. چو:

سری کوټگاناوت برت. واگه سرسری گشتگ بیت یاسرسراگشتگ بیت یک چیزی برزگا مانا دنت. چو: شیرانی سرسرا نز آورت، گلهانی (گله اني) سرسراوت برت مگه سرسری هما انت که چیزی په هورت گندی دیستگ و چارتگ مه بیت ویک چیزی را په بی پروایی بچارنت

وچمشانكي بكننت چو: به

کتاب به میزی سرانه انت. که کمتر گشتگه بیت پچی که بید آیی هم مانا پوره انت. چو: کتاب میزی سرانه انت.

چيراچو: كاسگئ چيرا، كالاهاني چيرا، پوگاني چيرا. كه اداچير جالگا مانا دنت.

شه یا چه یا اچ: شه مجرورا دیماکیت چو: شه لوگا آتون، چه مکتبا شتون. کلما شه آیی بزن. دو اوگانی اچ هما زران بزور.

تا: شه مجرورا دیمترا کیت وگهییبن حد وجاگهی مانا دنت. چو: تاکندهار شتگیت، تاشارا شتون تانماشاما نشتون.

انگته، تننگا: تا انونئ مانا دینت ویک کاری راکه شه گوستگین وهدا بنا بوته وتا وختیکه گشوک هبره دنت نشانه دنت. چوکه شنت:

بگردینت پدا راهت کتگ رد تننگاتازگنت ورنا شمئ پـد

بيبرگ انگته شه لوگا نيا تگيت.

گون همرای مانا دنت چو: گون من بره، گون آیی کار بکن، گون من چیزی نه انت.

په: گون ایشی ضمیر هم آورتگه بیت. چو: ای مچین کارانا «په تی، په آیی، په شمئ، په وتي ودگه» خاطراکنین.

- دیستگون. ادا زمانگی ابتدا ماضی انت وتا انونا رادگه مانیت واگه زمانگی ابتدا انون بیت ورادگ ودوامی به آیو کا بیت گلها شدنگو یا به آنگو کار مرزه بیت. چو: شدینگو پدی مگرد. شه مروچی به آنگو تراکاری نه انت. اینگو، آنگو یا اینگر وآنگر: نیمگ وسونی مانا هم دینت. چو: اینگو بره، آنگوبره.

«پا» هم په همی مخسداکار مرزه بیت. چو: شه پاری پا امئ گسا نیاتگیت شه زی پا زیان انت. پا ادا وخت وزمانگی ابتدا وبنا بوگا نشان دنت. تا هماکتراکه هبر داتگه بیت وایش به آیوکا (آیندهٔ)کار مرزه نه بیت چوکه شه زی پا یعنی شه زیین روچا به اینگو تاهمی دماکه هبرد اتگه بیت واگه سرا عدد کار مرزه بیت «پا»گشتگه نه بیت. چو: چار روچ انت آیراندیستگون.

معلمئ تچ و تاك:

^{*} وانندگاني گسويين كارا بچاريت، سوگه وراهشوني بكنت.

^{*} په وانندگاني پکرئ نز آورتنا، شه آوان هما جستانا سوج بکنت که به سبخي برزگا نمشته انت.

- * سبخا په برزين تواري بوانيت.
- * سبخئ نوكين كالاناكون مانايش به تختئ ديما نمشته بكنت.
- * په نوکين گالاني سيايگ کرتنا وانندگانا رساك بدنت وسوگه بكنت.
 - * په وانندگاني اوشكتنا په آوان لهتين جمله بگشيت.
 - * په گشتگين جملهاني باروا شه وانندگان جست بكنت.
- * شه سئ وانندگابلوټيت، چيزيکه ديما شه جستان اوشکتگنت يکواردگه شه بر په برزين تواري بگشنت.

وانندگاني تچ وتاک:

- + دو وانندگ سبخاپه برزین تواري بوانیت.
- + وانندگ سئ باربنت و گون وت په حرفاني وړو ډولي باروا هبر بدينت.
- + شه هرباري يک وانندگي چيزيکه شه وتي همراکان هيل زرته وزانت په دگران بگشيت.
 - + سئ وانندگ په رون سبخئ يک يک بارا په برزين تواري بواننت.
 - + سبخئ نوكين كالاناكون مانايش شه تختئ ديمابه وتي كتابچهان بزورنت.
 - + جملهانا که معلم صاحب په آوان گشیت په شري بشکننت.
- + سئ وانندگ په رون هماجملهانا که ديما شه جستان اوشکته يکواردگه شه بر په برزين تواري ىگشىت.

شه وت کرتن:

عزتمندین معلم په ایشي که شه وت بکنت که بارین وانندگ سبخا په شري هیل زرتگنت آگه نه شه آوان جست بکنت.

- حرفاكئ تعريف كرتگه كنت؟
 - جري حرف چياگشنت؟

همي راز په وانندگاني لکتنئ مهارتئ پرواک کرتنا، په آوان لهتين جمله شيت.

گسویین کار:

حرفئ تعریف و حرفئ وړوډولا به وتي کتابچهان نمشته و شه بر بکنت.





عطفئ حرف

مخسد

- * وانندگ سبخابواننت وبلکنت.
 - " عطفئ حرفادرست بكننت.
- * به جملان عطفئ حرفا بزاننت و کارمرزکرتگ بکننت.

جست:

١ - عطفئ حرف گجام انت؟

٢ _ترديدي حرف چيا شنت؟

٣ - نداي حرف چي انت؟

عطفی حرف:

هما حرف انت كه دو كال يا جملانا كون يكي آدگرا وصله كنت.

كه چيدگ و درورش جالگاكاينت.

و- چو: كريم وبالاچ كساشتنت. كتاب وكلم. نان وآپ.

هم- چو: من شتون ته هم بروی. هم کاره کنت هم سبخه وانیت

پدا، رندا، گلها- چو: من گسا رستون پداتی براس آت. دگاراتوم جتون رندا لنگار کرتون. منی کتابا بیار گلها بره.

چي که- دو عملا نشانه دنت چو:

امبراني چي که پاري هم هورنه کرت. اوسارچي که زينا هم زيان کرتگيت.



که - چو: شت که وتی براسا بگندیت ادا روگی مخسد بیان بوت.

انگته- چو: منى ديمئ واما نداته انگته دگه زرهمه لوټيت.

چیزی- چو: چیزی ته ایره رستی و چیزی من پدتراشتون.

یا- چو: یاوت بره یاوتی براسادیم بدی.

بلكين- چو: شه آيي سوج كن بلكين بگشيت. كه بلكين احتمالا نشانه دنت.

تردیدی حرف:

هما حرف انت که شه دو چیزا یکی را یا هردو کینانا رد یا نفیه کنت.

یا: په گت و شکئ و استا گشتگه بیت که شه دو هبرایکی بوتگ بیت یا مه بیت چو: یامنیت یانه منیت، یا نیاته یا باز دست گټ انت.

- آگه: وآک واختیا رانشانه دنت. چو: کبوله کنی آگه نه، آگه اسپا آورتئ آگه اشترا وتی سوجا په من دیم بدی آگه نه گون گرتیا دیم په دیمه بین.

استثنای حرف:

هما حرف انت كه يك چيزي راشه دگراجتاكنت.

بي، بيد، بي شه، چو: بيد شه خدا شه دگه كسامهُ ترس. بي كارمه نند.

علتي حرف:

هما حرف وگال انت که به یک جملی آدگه جملی سببابیان بکنت. که پمیشا، پمیشی. چو: زی بازیخ ات پمیشا، پمیشی من آتگ نه کرتون. دروگ مه گش که تی دیم سیاهه بیت. بالاچ شتگ نه کرت په ایشی که باز هوره گوارت.

پمی وجا یاشه همی واستا، شمی سببا مچین یک مانای دارنت وعلتا روشه کننت. باز هوره گوارت (پمیشا، شمی واستا، شمی وجا) شتگ نکرتون.

شرطی حرف:

آگه یا آگن- آوهداکار مزره بنت که گشوک کاری بوتنی واستا شک بداریت آگه شه من سوج کرت بگش شارا شتگیت.



همی که- په یک شرطی پوره کنگا گشوکئ اُمیتا روشه کنت. چو همی که بروت مناگون وت بارت.

تاكه- تاكه زاك مه گرت ماس آيرا "گودان نه دنت. تاكه اما كار مه كنن امئ مُلك آبا ته نه بيت.

هر كدين، هروخت- هركدين كه آت مناسي بكن.

چنكر- چنكر روچ بگوزنت اماگيشتر بلده بن.

هرچي- هرچي بکشئ هما يرا دروه کنئ.

په ایشی- په ایشی خیری نه دیستن که کشارا به وختی آپ نه رست.

آگه نه- جوان بوت که اشترا آورتون آگه نه گون اسپا سزا بوتون.

سرایشی که- سرایشی که کسان انت باز دگرانی خیالا ساتیت.

بيانئ حرف:

كه- چو: آگشت كه من باندا كائين.

ندای حرف:

او، و-: او براس وتى كارئ پدابره. وناكو چيوه گشئ.

ایجابی حرف:

هما حرف که به تواریا هبری جواباگشتگه بیت آیرا ایجابی حرفه گشنت.

چو: هان، شه، چی، باز جوان انت، په چمان، راست انت، حقیقت انت، شرانت، همی ډول انت، خیر بگندئ، خانه آبات، شرجان همی راز انت ودگه.

هان، چی، جان، بلی به یک تواری یا سوجی جوابا گشتگه بیت - چوکه ماس زاگا گشیت، چی، چان، - زاگ ما ساگشیت، هان، بلی، شه، شرانت، جوان انت، به چمان ایش به لوټگی جوابا گشتگه بنت. چو:

مروچي مه ره باندا بره

جواب: شرانت، شه، په چمان، جوان انت.

په چمان به جوابا احترام واخلاصا نشانه دنت. چوکه یک مزنین مردمی شه کسانین مردمی

چيزي بلوټيت وآبگشيت په چمان.

حقیقت انت، راست انت، همی ډول انت، همی راز انت، زانین په هبری تصدیق کنگ ومنگا گشتگه بیت.

زانتون، سرید بوتون، یوه بوتون. او شکنو کی سریدبو تناشه یک هبری نشانه دینت.

ای مچین حرف به منفیین کلامی جواباهم گشتگه بنت. چو:

ته آيرا چيزي مه گشي- جواب: جوان انت، په چمان، شر، باز جوان.

نفى وسلبئ حرف:

ای حرف په یک کاری نه کرتن وانکاراکار مرزه بیت.

نه ومه گون هر مثبتین فعلی که آورتگ بنت آیرا منفی جوړه کنت:

كيت نه كيت، روت نه روت، بگش مه گش، آتگيت نيا تگيت.

نا- ای سلبئ حرف انت که آگه گجام نامی سرا آورتگ بیت آیی مانا بدله بیت. چو: جوړ نا جور، دُرا نادُرا، سرید ناسرید.

بی- ایش هم «نا» ی ورا سلبی حرف انت. چو: مزگ بی مزگ، علم بی علم، کار بی کار نه- سوجی پسواگشتگه بیت. چو: بالاچ گسا انت؟ نه گسانه انت. نه نه – په گیشترین تاکیدو سوگهاگشتگه بیت. چو: مرو چی سردانت په دارا بریین.

جواب- نه نه هوش کن مه روی

تعجيع حرف:

پوه! پوه هو! پوه هوهو! بابه جان! ببا! اوهوهو! چون! چنکر! شه ای حرفا یک چیزی مزنی، بُرزی، بازی، براه و دیلئ واستا مردمئ حیران بوتن زانتگه بیت.

پوه هوهو چونین مزنین باری!

بابه جان چونین وشین تروکی!

او هو که رود چنکر سیل کرتگیت!

بياكه چونين جوانين بجند انت!



كريم گشت كه كسى منا په كشتى واپنتگه نه كنت. گون انچين جملى او شكتنا دومى مردم گشيت - شه! ووتى حيران بوتنا نشانه دنت.

گل وشادي كنگئ حرف:

هما حرف انت كه به كل وشاديي وختا گشتگه بنت. چو:

الله جان! واوا! وخ وخ!

همی که مردم یک چیزی گندیت و په آیی واستا گله کنت دگه سراهمی برزگئ حرف شه د پا دره بنت ویدا همی چیزی صفته بیت:

- الله جان منى پس آت!
- واوا چونین جوانین جامگی انت!
 - وخ وخ په مني گليين براسا!

واهگ وارمانی حرف:

هما حرف انت که گون آوان یک چیزی واهگ وارمانی دارگ روش کرتگه بنت وآ ایش انت

- ارمان، ارمان صدارمان، افسوز، صدافسوز ماستين، كاشكى.
 - ارمان كه يك وار آيرا بديستينون.
 - ماستين يكوار بياتين.
 - افسوز که پدوارگ نیات.
 - ارمان وصدارمان که زوتی پداشت.

معلمئ تچ وتاک:

- * وانندگانی گسویین کارا بچاریت، سوگه وراهشونی بکنت.
- * په وانندگاني پكرئ نزآورتنا، ديما شه سبخا شه آوان هما جستانا سوج بكنت كه به سبخئ برزگا نمشته بوتگنت.
 - * سبخا په برزين تواري بوانيت.
 - * سبخئ نوكين گالاناگون مانايش به تختئ ديما نمشته بكنت.

- * په وانندگاني اوشكتنا لهتين جمله بگشيت.
- * په گشتگين جملهاني باروا شه وانندگان جست بكنت.
- * شه سئ وانندگا بلوټیت،چیزیکه دیما شه جستان اوشکتگنت شه بر په برزین تواري بگشنت. وانندگاني تچ وتاك:
 - + دو وانندگ په رون اي سبخا په برزين تواري بوانيت.
 - + وانندگ سئ بار بنت و گون وت په حرف و حرفاني ډولاني باروا هبر بدينت.
- + شه هرباري يک وانندگي چيزيکه په اي سبخئ باروا شه وتي همراکان زرته وزانت په برزين تواري بگشيت.
 - + سئ وانندگ سبخئ يک يک بارا په برزين تواري بوانيت.
 - + نوكين گالانا گون مانايش شه تختئ ديما به وتي كتابچهان نمشته بكننت.
 - + اوشكتگين جملهاني باروا جستاني پسوا بگشنت.
 - + سئ وانندگ په رون چيزيكه ديما شه جستان اوشكته يكواردگه شه بر بگشيت.

شه وت کرتن:

عزتمندين معلم په ايشي كه شه وت كنت كه بارين وانندگ سبخا په شري هيل زرتگنت، اگه نه شه آوان لهتين جست بكنت.

گسویین کار:



عزيزين وانندگان! اي سبخا به وتي كتابچهان بلكت و شه بربكنت.

ميرم خاتون

مخسد

- وانندگ سبخا بواننت وبلكنت.
 - نكلا بواننت وبزاننت.
- نكلاني گشتن واوشكتنا خوبگرنت.

حست:

۱- کئ نکلی گشتگه کنت؟ ۲- میرکی نکلا او شکتگت؟

میرکی نام اصلا میرم خاتون ات. آیرا میرگل، مهرک، مهرگل میرک ومهرجان توار جتنت. میرک کیگدین جنکی ات که مان بلوچستان سر بازی دمگا به پیردان نندوک ات، آیی باز چټ وشیوار ات.

پسئ نامی شاه محمدات، آکه به ورنائیا پاد اشت، شه هرنیمگی که ورنا سی بوتنت په کاسدیی کاتنت، پسی لوټت که آیي جنکئ زندئ همراک بریبر گون آیي جندئ دلئ لوټگا بیت. پمیشا بیدی پسندئ زورا نسریی کاری نکرت. جنکو بازینی کاسدیا نه منت که آوان آسرد کشتگ و برگشتنت.

روچی ملافاضل شه رندی تمنی مزن نامین شاعران که سندی نندوک ات، میر کی نام وتوارا که اشکت شه اودادیم په پیردان سرگپت ومان پیردان گون شاه محمد دیوان کرت ووتی آیگی مخسداگشت.



شاه محمد وتی جنک میرکالوټت وگون آیي هبردات. میرکی پسند نه بوت، ملا فاضل گون پرغمین دلی به وتی هلکا برگشت وشه اودا شیری که په وتی مهلنجاگشت، به کپوتی پادابست ویه میرک راه دات.

پداشه ملافاضل، پنجگو ری نندوک ملاعزت که میرکی ورنایی و چتیی چورگا اشکتت وشه درا یکدل نه صددل سری عاشق بوتت په میر کی کاسد پیا سرگیت.

ملاعزت، سک چټ وپهلگدین ورنای ات که شه هیچ سونی کمیی نداشت. آوانی سیم و دمگا کسی به آیی ورناهی و جمالا نه رست. آ اسپی سوار بوت ودیم په پیردان سرگپت، شپی جای وروچی جای آت تا که پیردانی نزینکا رست.

پیردانی رودئ کئرا آت، ملا عزت شه همی رودا باید انت رد بوتین تاکه به پیردان برستین، به همی درگتا که کات شه رودا بگوزیت، میرک گون وتی چنت گوارکوا همی گودری پهنادامشکا آپه کرت، درگتی که آوانی چم به بیگا نگین مردین زاگی که اسپی سوارات کپت جستنت وچیر کپتنت، مگه میرک رساک په جیگانه کرت ومنت، ملاعزت که دگه جینکوانی هندگ وهله باش و پاد در شپا اشکت، چک جت، چمی به میرک کپت. پکر کرت که ماهئ دیما سیاوتارمین جمری گپته و دنیارا شپ کرتگیت و شه ای هبرا درگتی که به آوانی الکارست سی وسرپد بوت و زانت که هما جنکو میرک بوتگیت و به آیی دلاعشقی آس گیشتر شه دیما بال آت. آیه کاسد یا شاه محمدی لوگاشت، شاه محمد و تی جنکا سهی کرت.

میرک شه وتی گوارکوان یکی را په ملاعزتی چارگا راهدات تاکه آیرا بگندیت ووتی چم دیستا په آیی نکل بکنت ورنداشه آیگ و هبر کنگا میرک وتی اشتا تگییا بایدنت سهرا بکنت، درگتی که گوارکوی آیی سرو صورتی نکلا بریبر گون وتی چم دیستا په میرک کرت، گلهان میرک وتی رضایتا په پسانشان دات، پداشه رضایتی گرگا، ملاعزت لهتین سهوری ټک وزرشاه محمدا تیکی دات و په زر، سهور ولبیسی آرگادیم په وتی هلکا سرگیت، چنت شپ وروچ راه شت وراهی تهاشه گلا نه زانت که ترنده روت یا که کرار، روچئ چه پاس انت، شپئ سرانت یا که پاسی گوسته، تاکه به وتی هلکا رست، چنت روچ کارات که تیاری بگیت و رندا پدوی دیم په

وتى دشتارى هلكاراهدگ بوت.

ایشابل که ته ملاعزتی برگشتنا، میرک گون جوړ نبوگیین نادُرایی دست وزنچک بوت، چوکه بخت وروچ همیش ات که ای دوکین یکی به آدگرا به ای دنیا ها مه رسنت. پداشه چنت وهده نا جوړ ییا میرک ای دو روچیین دنیا یل دات ومُرت.

ملاعزت که گون بازین گل وبالی هور گون وتی لهتین همراه ودوستی په آروسییا سرگپتت، شپ وروچ، ژندی و آسودگی تن وگشناسیله نه کرت واسپا شلاغه جت که زوتی به پیردان برسیت، به منزلارست مگه بی مرادینا.

گون ملاعزتی رسگا، میرکی گور کنگ بنابوت، کسی شه هلکی نندوکان که گون میرکی زوال بوگا سیاه پوش ات، گون ملاعزت دریچ کرت آیراشه آیی مهلنجی مرکا سرپدکرت وگشت که همی لتینی که مردمانی کوپگانی سرا انت ودیم په گورستانا برنت آیی مهلنج انت، ملاعزت کوکار کشت وغش کرت، سری سردین آپ ریتنت تاکه سار کرت وگون گرا ن بلاین غمی پدیش شت و گورستا نا بازگریت وارس ریت.

ملاعزت په نامرادي وباز نااميتي ديم په وتي لوگ و ديارا برگشت.

معلمئ تچ وتاك:

^{*} وانندگانی گسویین کارا بچاریت، سوگه وراهشونی بکنت.

^{*} په وانندگاني پکرئ نزآورتنا، ديما شه سبخئ بنا کرتنا هما جستاناشه آوان سوج بکنت که به سبخئ برزگانمشته بوتگنت.

^{*} سبخا په برزين تواري بوانيت.

^{*} سبخئ نوكين گالاناگون مانايش به تختئ ديما نمشته بكنت.

^{*} په وانندگاني اوشكتنا لهتين جمله بگشيت.

^{*} په گشتگين مطلبئ باروا شه آوان لهتين جست بكنت.

^{*} شه سئ وانندگا بلوټيت، چيزيکه ديما شه جستان اوشکتگنت يکواردگه شه بر په برزين تواري ىگشنت.

وانندگاني تچ وتآك:

- + دو وانندگ سبخا په رون په برزين تواري بوانيت.
- + وانندگ سئ باربنت و په اي نکلئ بارواگون وت هبربدينت.
- + شه هرباري يک وانندگي، چيزيکه شه وتي همراکان هيل زرته وزانت په برزين تواري په دگران بگشيت.
 - + سبخئ نوكين گالاناگون مانايش شه تختئ ديما به وتي كتابچهان بزورنت.
 - + په اوشکتگین مطلبئ باروا جستانی پسوا بگشنت.
- + سئ وانندگ هما چیزا که دیما شه جستان اوشکتگنت یکوار دگه شه بر په برزین تواري گشنت.

شه وت کرتن:

عزتمندين معلم په ايشي كه شه وت بكنت كه وانندگ سبخا په شري هيل زرتگنت آگه نه شه آوان لهتين جست بكنت.

گسویین کار: ای سبخا به وتی کتابچهان بلکت وشه بربکنت.




جنگئ پد



مخسد

- وانندگ سبخا بواننت وبلکنت. شه مرو جنگئ گندگین تاثیرا سی بنت. سول وامنئ پایدگ وکټا بزاننت.

- ١. كئ جنكي كندكين تاثيرا كشتكه كنت؟
- ٢. به چونين جاور وحالتي ترخي و آباتيئ کار تسره بنت؟ ٣. به چونين جاوروحالتي خرابي وسکي وسوري وديه بنت؟ ٤. سول وجنگئ توپير چه انت؟



جنگ بازبدین آسرو نتیجی داریت که راج وبنیاد مانی پیه وداراییا گاره کنت، زندا گون سکیان دیم په دیمه کنت وآباتیی که په حون دل جوړبوتگنت یک هو بیران بنت وترخی ودیماروگئ دیما پونگ وسد ودیه بیت.

جاگهی که جنگ دپ وارت او دا پلی که په مردمانی روگ و آیگا جوړ بوتگیت، ناجوړی شه سری رد بیت، کسانین زاگ وحیوانی بگوزیت، ډلیت. مدرسه ومکتب که به آیی راجئ آیو کین باسک، کسانین زاگ په وانگ و زانگارونت تا که چیزی بات بگرنت ووتی ملکئ دیما روگ و ترخیئ کارا دیما برنت شه ای رساکا ماننت وگون سکیان دیم په دیمه بنت. دُراجاهی که ناجوړ په علاجا رونت، کسانین زاگ به او داواکسینه بنت، جنین زاگ و

مردین زاک علاج ودرمانه بنت، دلنت و خرابه بنت.

به امئ عزیزین وطن افغانستان شه سالان سالئ مړو جنگئ سببا امئ هموطن گون بازسکین روچ وکتره وپاسان دیم په دیم بوتنت، بازمردم کشتگ یا ټپي بوتنت که شه اي سببا کسانین زاگ يتيم و جنین زاگ جنوزام بوتنت، شار و هلکاني آباتيي کارپدا منتنت و نه تانکا ایشکه په وطنئ دیمريي و ترخیا کاري نه بوت بلکین شه مړو جنگئ سببا همادیمئ وهده وپاساني آباتي نار وجو هم چټ خراب بوتنت که آواني پدوارگین جوړکرتن و آباتي وخت ورساکه لوټیت.

آگه به وطنا گوستگین سالاني مړوجنگ مه بوتیننت، دگه مروچي اي روچه نیات که امئ مردم گون رازرازئ سکي وسوریان دیم په دیم بنت وپه کارا به درملکان برونت، بلکین به وتي جندئ لوگ ووطناگون وتي باسکئ واک وکاروکوشستا په وت وپه دگران آبات و دیما شتگین زندي جوړه کرتنت.

امئ مردم که مړوجنگئ سکین روچاناگوازینتگنت شه مړوجنگا باز بده برنت و زاننت که



مروجنگ مچین هستي و آباتیاني دشمن انت، پمیشا جنگا پیټ و لعنته شنت و امن وکراریه لوټنت.

ما امن لوټن

لعنت به جنگا بم وتپنگا خون خوارپشنگا بي نام وننگا امنئ پلنگا لعنت به جنگا استن ما انسان ما امن لوټن جنگ بارت دستي تاکت و هستی كاريت سستي گشن وتنگدستي ، دکال ونیستي لعنت به جنگا استن ماانسان ماامنه لوټن.



معلمئ تچ وتاك:

- * شه وانندگان هما جستانا سوج بكنت كه به سبخي برزگا نمشته انت.
 - * سبخا په برزين تواري بوانيت.
 - * سبخئ نوكين گالانا گون مانايش به تختئ ديما بلكيت.
 - * په وانندگاني اوشكتنا لهتين جمله بگشيت.



- * په گشتگين جملهاني باروا شه وانندگان جست بكنت.
- * شه سئ وانندگابلوټيت، چيزيکه ديما شه جستان اوشکتگنت په رون شه بر په برزين تواري لگشنت.

وانندگاني تچ وتاک:

- + دو وانندگ په رون سبخا په برزين تواري بوانيت.
- + وانندگ سئ باربنت وگون وت په جنگئ گندگین تاثیرئ باروا هبر بدینت.
- + شه هرباري يک وانندگي چيزيکه شه وتي همراکان اوشکته وزانت په جنگئ باروا بگشيت.
 - + سئ وانندگ په رون سبخئ يک يک بارا په برزين تواري بوانيت.
 - + هما مطلباكه معلم صاحب په آوان گشیت په شري بشكننت.
 - + اوشكتگين مطلبئ بارواجستاني پسوا بگشنت.
- + سئ وانندگ په رون چیزیکه دیما شه جستان اوشکته یکوار دگه شه بریه برزین تواري بگشیت. شه وت کرتن:
- عزتمندین معلم په ایشي که شه وت بکنت که بارین وانندگ سبخا په شري هیل زرتگنت آگه نه شه آوان جست بکنت.
 - كئ جنگئ يدئ باروا هبر داتگه كنت؟
 - ديما شه مړو جنگان به وطنا مردماني زندگي چون ات؟
 - همي راز په وانندگاني لکتنئ مهارتئ پرواک کرتنا، لهتين جمله په آوان گشتگ بيت.

گسويين کار:

جنگی گندگیی باروا نمشتا نکی بلکت که شه چار کشکا کسترمه بیت.



ترياك



مخسد

- وانندگ سبخا بواننت وبلكنت.
 - شه ترياكي تاوانا سي بنت.
 - شه ای عملا دوری بکننت.

جست

- ١. ترياك چونين عملي انت؟
- ٢. آيي كه گون ترياكي عملا خوگيته زندگيش چون انت؟
 - ٣. ورنا هاني وظيفه به اي گندگين عملي ديما چي انت؟

بُنیادم شه باز غدیمی وهدان گون درد ودُوران آخته بوتگنت، په یک ناجوړیی گار کنگا، وړ وړی جراناکار مرز کرتگنت یا که بلگانی حشک کرته وگون دگری لوړ داته وکُټتگنت وچوملمی کار مرز کرتگنت، گونډ ایش که بُنیادم





مُدام وتی عکلا په نادُرایانی علاج کنگا به کارا پرینتگنت وهر وړی آزمایش کر تگنت وشه آیی که پایدگی ندیستگنت، پدی ویل کر تگنت.

یکی شه ای گیا بانین جروبو تگان کوکنارات، ای بوتگئ بروبود تریاک انت که ایشاشه غد یما بنیادم درست کرتگنت وشه تریاکا په علاج و درماناکټ زرتگنت.

دیما شتگین طبیبی شه تریاکا په علاج کنگی داروانی جوړکنگ ونا دُراهانی بی سارکنگا به عملیاتا کاره گیت.

بازمردم وتسر، بیدی داکتری رهشو نیا په کولگ ودگه دردانی درمان کنگا، شه تریاکا کټه زورنت، بازی مردم تریاکی پچکوکی که آییرا ابه شنت ورنت یا که گون خاصین دم و دستگاهی که سردم

شنت، دوت کننت وکشنت و درگتی که چنت وار ای کار پد به پد تکرار بوت، مردم عملیه بیت. تریاکی جورو تهلی کموکی دردئ سراتاثیره پرینیت وایرماته کنت، جانا بونلهه کنت. ای زهر مردمئ مجگی سراهم تاثیره پرینیت. گونله ویی که کسانییا یک وار تریاکی دوت گینی برسیت یا که ابئ تا ما بچشیت به مزنیا باز زوتی گون ای لوگ بیرانین نا دُرایی و مرضا گرپتاره بیت. تریاکی بتگ نانا شه مردماگیت، لوگا ډالینیت، گوئری پُچانا کشیت ومردمئ بیران بوگی وجه بیت، پمیشا ای لوگ سوچین بُتگی کشگ، بروحاصلئ گرگ، برگی به دگه هندی وبها کننگی، مچی حرام انت. اسلامی پاکین دین هرچیزی کتئ گرگا که بنیاد مانی حالتا بد لاینیت ومردما بی سد وسار بکنت، شرنه زانت وگندگه شیت. ایش شمامکتبی و تعلیمئ وانندگانی وظیفه انت که ای شومین بتگ و تریاکی تا وانانا په وتی همپل، هلک و دیهی مخلوکان بگشت، ایشاهم په آوان بگشت که اسلامی پاکین دین مچین نشیه کنوکین چیزانا حرامه زانت. مچین نشیه کنوکین چیزانی کشگ، جوړ کنگ، بها کنگ و سوداگری چټ حرام انت. زریکه شه ای چیزان دستا آور تگه بیت هم حرام انت. باید انت مچین په ای شومین چیزی زبان کرتن ودیمگیریا دستا یکی بکنن که تریاکئ توم زبان بیت و جاگهی دگه روا وکټوکین گله ودانگئ کشت وکشارئ پهرا یکی بکنن که تریاکئ توم زبان بیت و جاگهی دگه روا وکټوکین گله ودانگئ کشت وکشارئ پهرا کوشست وتلواسگ بکنن.

معلمئ تچ وتآگ:

- * په وانندگاني پکرئ نز آورتنا ديماشه سبخا شه آوان هما جستانا سوج بکنت که به سبخئ برزگا نمشته بوتگنت.
 - * سبخا په برزين تواري بوانيت.
 - * په وانندگاني اشكتنا لهتين جمله بگشيت.
 - *گشتگین جملهانی باروا شه آوان جست بکنت.
- * شه سئ وانندگا بلوټيت، چيزيکه ديما شه جستان اوشکتگنت په رون شه بر په برزين تواري بگشنت.

وانندگاني تچ وتاك:

- + دو وانندگ په رون سبخا په برزين تواري بوانيت.
- + وانندگ سئ باربنت و گون وت په ترياكئ تاوانئ باروا هبر بدينت.
- + شه هرباري يک وانندگي، چيزيکه شه وتي همراکان اوشکته وزانت په دگران په برزين تواري ىگشىت.
 - + اوشكتگين مطلبئ باروا جستاني پسوا بگشنت.
 - + سئ وانندگ په رون چيزيکه ديماشه جستان اوشکته يکواردگه بگشنت.

شه وت کرتن:

- عزتمندین معلم په ایشي که شه وت بکنت، بارین وانندگ سبخا په شري هیل زرتگنت اگه نه شه آوان جست بکنت.
 - ترياكئ گندگيئ بارواكئ هبرداتگه كنت؟
 - پچي ترياکئ عملي به مردماني ميانجينا کدر و رو نه دارنت؟
 - همي راز په وانندگاني لکتنئ مهارتئ گيش کرتنا لهتين جمله په آوان گشتگ بيت.

گسويين كار: په ترياكئ گندگيي باروا نمشتانكي بلكت كه شه چاركشكا كستر مه بيت.

بزانت بلد

بزانت	گال	بزانت	گال
روشنایی، جلایشت	رونق	نپس	ساه
فرمان دیوک، امیر، مزن	مير	كومك	مدت (مدد)
قافله	كاروان	وراک، ورگی	خوت
ديوان، مجلس	بزم	کار و کرد	كردار
بی وس	عاجز	سخى بوتن	داد و دهش
بازبرز	اعلى	پدا، پشت سرا	پسلا
گناهگار	عاصي	دروگ، چوټي	کلپی
رازا، ډولا	پیما	رشوه	موک و ملام
پروکین ٔمرگی که لهتین گالاگشیت و سبز و سورین رنگی داریت.	طوطی	وشنودى	رضا
جآگه و هندئ	هندو ديارئ	زیبیت، زیبه دنت	برازيت
رادگ بوگا	سرگرگا	برزمرتبه	واجه
توخ،گردن بند	گټي	عدل، عطا وبخشش	داد
دود، رسم	داب	نیکی	كرم
بستگ، به بند	کید	نشان داتن، شاهدی	گواهي
بیگام	كلو	مزنيئ	عظيمئ
كاشكى، شالا	ماستين	تب و خو	أخلق
جواب	پسو	درا، مالوم	سهرا
پرينيت، الغچه دنت	ایرره دنت	شان و عزت	شرف
منت واری، تشکُر	شُكريه	ستا، صفت	ثنا
سوج كرتنيين	سوجيين	خدا حافظی	خيرواه
يگجلين	هورين	حيران	هبکه
هوايين ميدان	بالى پټ	همي رازا	همي وړا
ناجوړين	نا دُراين	هماکه هبره دنت	گشوك



بزانت	گال	بزانت	گال
نشر و اشاعت	شینگ کاری	هماكهكوشكنت	اوشكنوك
رادگ انت	تچيت	هماکه باروئ هبرداتگه بیت	غايب
خاطرا	پهرا، پارا	خراب	سیاه
پام، هوش، توجه	دلگوش	شان وعزتئ واوند	سيال
برزین ماړي	بنگله	مركز	بنجاه
دودی ٔ فرهنگی	ربیدگی	کدی به انگو	کدی پا
مصنوعيين	جوړکرتگين	تاجر	سودآگر
معادن	کان	ديوال	پسیل
چیرین حال دیگ	چگوليين	حمله	هلگر
زیان کنگ	گار کنگ	وهدي كه	درگتیکه
مالوم کرتن، ودی کرتن	پټ و پول	به هندوستان جاکئ نام انت	آگره
جانی باسکانی جوړیندی	ارگانیسم	نصیحت، جخت	سوگه
حركته كننت	<i>سُ</i> رنت	گوربکننت	به حاکا بلنت
اوشتاتگ	، اُشتوک	رچيت	گواريت
كارُبرتن، استفاده	كارمرزي	قصر،كلات	ماړي
سيل كرتن، چارتن	گندوچار	مشكول،گلايش	دستگټ
سيل و چار كرتن	گندو چار	جمهوريين رياستي ماړي	ارگ
ونلډ، بار	وند	كارخانه، فابريكه	كارجاه
وندى كە بەگالى پداكىت	پسوند	روچ نشتنا	روكپتا
احساس	مارگ	پخته ين سړک	پکتگین سړک
قربان، ديمحون	ندر	شعر، نظم	شير (شعر)
مچين	درستين	نثر	ردانک
مشكول، سركتم	گلایش	ל ול	سور
دبير، سكرتر، كاتب	منشى	کم چون و پربها	كيميا
گاهگاهی	کدی کدی	تال و شورگ	شورگين
ساز و سروز	زيمل	زمستاني سردين شپ وروچ	چلگ

بزانت	گال	بزانت	گال
نمشته	لیکگ	شير	مزار
سروپټ، مشکول	گټ 	ترپانا، توارا	
ترجمه كرته	گردینتگیت	بلرزيت	بجسكيت
چی رازئ	چى وړئ	تانه داتن	شگام
مردم، ولس	دموس (يونانيين گالي)	شان و عزتئ	ميارئ
واك، حكومت	كراتوس(يونانيينگالي)	حتمى، بايد	ضلور
آزاتی	آجويى	توپير	پرک
جوانین سلوک، مردمگری		پاکین	مكهين
جامعئ	راجئ	ندریگ، قربانی	ديمحوني
ميانجينا	نياما	بی مثال	بی درور
درگیتن، انتخاب	گچين	تيار	چاړکه
بُنياد	بن خشت	مسووليت	ذمه واري
حزب، پارټي	گل	سبب	وج
بارزورگ	بارگرگ	آدا، آ جآگها	اودنا
ریشگ	روتگ	شعبا	بارا
مثالی رازا	چيدگئ پيما	حكومت، دولت	سركار
وهدا، ټاپا	درگتا	بُنياد	بُنگيج
امیت، واهگ	توما	سزا داتن، جتن	سرکُټ
زیان کنگ	گارکنگ	بندی خانه	جيل
جنگيين لک وتروک	مهمات	کم زور، بی وس	نزور
چىرحاكا، ورداتگ	کُرم	طياره، جاز	بالئ گراب
كاميابيا	سوبا	نآكهان	نآگتا
ټکرانی	تمنانى	هماكه كشيت	كشوك
گسئ جنين	لوگ بانوک	جتاكرتگيت	گهتگیت
دپه وارت	دريچه كپيت	جنگئ، جيره ئ	مړگئ
خارشت	آرگ	عضو	باسك



بزانت	گال	بزانت	گال
كريتن	کرگ	نزکنگ، نزآورتن	مچکنگ
سبزه بیت	ردی	دارئ نز آورتن	چومولي
بونه، پلمه	نيمون	گورگ و شنک ، پس وبز	اورتين مال
زبانی برزگا	نوكا	همپل، همسایگ	همسروگ
خواستئ	لوټگئ	كبر	غرور
مزن، سرید	مير	خط	كشك
گوازی	ربيه	محوطه (ايشك وآشك)	واړ
فداكاري	سرباديوكي	یک رازی رنگی	اودي
په هورتي سيل کرتن	هورت چاري	دك، بورگوك	برنگ
وشالي، كراري	وش وانی	قيد	کید
خواست، دعوت	لوټگ	هند، جاه	جآگه
نشره بیت	شینگهبیت	زمان، پاس، وخت	وهده
زآگ، اولاد	پسگ	قاعدهان، ډولان	راهبندان
كوششهكننت	<u> </u>	جالگئ	پادوني
كتارا	ریسگا	زبان	زوان
ريشخند، چرك	ملنډ	دوجنین زاگئ دوستی	گواركو
ماهرنگ، چټ	زيبا	بها، ارزشت	كيمت
درچكى نام انت	چنار(چنال)	راه نشان ديوك	رهشون
ادا مخسد برزبالاد انت	چنار	دپ وارت، ديم په ديم بوت	ډوگ وارت
ايرشته، غرخ بوته، به يكراشته	بُل _ا ته	دلا، ضميرا	زردا
هان براس	جى برات	سك تهار، سيه تهار	تامور
تلوار	اشتاپ	تارينك	تهار
دیم داتگی	ششتانگی	ارواحا	روها
رسم و داب	ميار	حالی، خبرئ	ھالى
تعليمئ الاسيى سند	دپلوم	منتگ، صبرکرتگ	سگ اتگ
ديما برتنا	دربرتنا	سيلاپ	هار

بزانت	گال	بزانت	گال
ماس	مات	وخت	رساک
زندگیی جاگه	زندجاه	جوانين، زبرين	بودناكين
زام، شمشير	سگار	ونډ وياري	بارو چانټي
هما دما	گون وارا	گرين	لوپ
كرم	كهور	پدا	پش
نمود، براه وزیب	نما	مخسد، هدف	هتگ
اد و اودا	انگو آنگو	بزانئ	ھيل بئ
جوابا	پسوا	سیل مهکننت	مه چارنت
پدا	رندا	درمان	علاج
نوك آمد	نوک آت	ديما روت	وده كنت
پرس و سوج	سُج وگُج	مشكول، سركتم	سرو پُټ
یک دمی	یک کترہ یی	په کوشش	تلوسان
كراكرا	وش وش	گُلانی (پهلانی)	پُلانی
عشق	عشك	گدام، پسان	
ء سواریی اشتر	مارى	آوختا	آختا
جوړکرتگ، آرايش	شک و آدینک	لوگ	گس
به تها، داخلا	تها	پس وبزانی ساتنئ جاه	واړ
آیی سرا	سرئ	گوک و دگه حیوانانی ساتنئ جاه	کُډ
گهترين، جوانين	سرئ	مُرگانی ساتنئ جاه	كلونډ
برزگا	سرسرا	پروکین مُرگانی جاه	كدوگ
جالگا	چيرا	نیستگاری، غاتی	ډکالی
همراه	گون	وراك، ورگى	خوت
توم شانک داتون	توم جتون	مزنین	<i>ډکين</i>
چټ، صورتي	كيگلين	بی پروایی	ليباتى
هلکی نام انت	پيردان	ادبيات	لبزانك
ټکر	تمن	شفاهين	فولكلوريكين

بزانت	گال	بزانت	گال
یک تمنی نام انت	رند	نمشتهيين	ليكوكين
جنگ، جيرِه	مړ	معشوق	مُهلنج
بي ماس و پس	يتيم	دیم دات	راهدات
تیر، مرمی	پشنگ	آوازه گ	چورگ
لغت نامه	گالبند	جنك وبچكئ نامگيت بوتن	دشتار
مسوول	ذمه وار	ناجوړي	نادُرايي
پچكى ترياك	اب	جامعه	راج
نثر	ردانک	زر، سرمايه	پیه
تریاک کشگی وسیله	سردم	یک دما	يک هو
خوگپتگ، عادتي	عملى	نادُرایی و ناجوړیان	درد و دوران
<i>ک</i> مه کنت	ايرماته كنت	گیاب، گیابانا، علفانا	جر، جرانا
گران، بیسار	بونډ	زیان کنگا	گارکنگا
پوز، پوزئ	گين،گينئ	آپ، دوگ یا داروی وارتن	كر،كركرتن
ناروا	حرام	بازگوندینی، پچکی	پچکوکی

بن چمگ

- بلوچیئ زوان راهبند، ع. پهوال ۱.۱.ج علومی اکادمی هجری شمسیی ۱۳٦۲ سال.
 - بلوچیئ متل گالوار. نزار و پولکار ولی محمد رخشانی.
 - بلوچيئ گالبند، ع. پهوال.
 - سید گنج "سید هاشمی".
 - براهدارین پل شه بلوچیئ لبزانکئ باگا. ع. پهوال هجری شمسیی ۱۳٦٦ سال.
 - بلوچى بوانين عبدالكريم "راجى".